


陝西通志



第三卷

建置二

石

DS
793
S45S5
1735
V.3

陝西通志第三卷

建置第二

本朝 附釋名

陝西布政司

國初因明之舊左右布政使司領八府一州康熙二年右布政移治甘省左布政仍駐西安領西延鳳漢四府興安一州雍正三年改西安府屬商同華耀乾邠六州延安府屬鄜綏葭三州直隸陝西布政司九年又改榆林衛爲府共領五府十州治西安府

釋名陝西宋路名明因以名省蓋取公羊傳自陝以西召公主之之義

西安府 明領州六縣三十一

本朝因之又增領衛一雍正二年潼關衛廢三年改商同華耀乾邠

六州爲直隸州撥縣十七分隸之府領縣十四釋名西安明府
名本元安西路明改西安府即元安西義

長安 西安府治釋名長安漢縣名秦爲長安邑漢以名縣三輔
黃圖云長安本秦鄉名

咸寧 治府東偏與長安爲東西附郭釋名咸寧唐縣名本萬年
天寶初改咸寧郭子章云蓋取書萬國咸寧之義

咸陽 明屬西安府

本朝因之釋名咸陽西魏縣名本周咸陽邑秦自孝公以下皆都之
三輔黃圖云山南曰陽水北曰陽其地在九疊山南渭水北山
水皆陽故名咸陽

興平 明屬西安府

本朝因之釋名興平唐縣名至德初置興平軍尋改爲縣從軍名也

臨潼 明屬西安府

本朝因之釋名臨潼宋縣名本昭應祥符初避昭應宮名改爲臨潼以城西臨潼水爲名

高陵 明屬西安府

本朝因之釋名高陵秦縣名孝公置縣後爲高陵邑郭子章云縣南有奉政原高四五丈高陵之名所由昉也

藍田 明屬西安府

本朝因之釋名藍田秦縣名獻公置縣後爲藍田邑元和志云美玉爲藍縣出美玉故曰藍田史記索隱云因藍田山爲名也

涇陽 明屬西安府

本朝因之釋名涇陽苻秦縣名本嬴秦涇陽邑苻秦以名縣

三原 明屬西安府

本朝因之釋名三原後魏縣名元和志云以地有豐原孟侯白鹿三原也郭子章云以地有東西中三原也志說非是

鄠 明屬西安府

本朝因之釋名鄠秦縣名古扈國秦改爲鄠王伯厚云扈鄠一也

盩厔 明屬西安府

本朝因之釋名盩厔漢縣名圖經云山曲曰盩水曲曰厔故名

渭南 明屬西安府

本朝因之釋名渭南西魏縣名漢爲渭南郡西魏文帝以名縣以縣在渭水之南也

富平 明屬西安府

本朝因之釋名富平晉縣名晉徙北地郡富平縣於懷德城用其舊名也

醴泉 明屬西安府

本朝因之釋名醴泉隋縣名元和志云縣有後周醴泉宮因以為名
按縣東南有醴泉周以名宮隋以名縣

延安府

國初因明之舊領州三縣十六雍正三年以延安所屬州縣山多地
廣去府遼遠改鄜綏葭三州直隸陝西布政司撥八縣分隸三
州府領縣八釋名隋延安郡宋以名府元和志謂以界內延水
為名是也

膚施 明為延安府附郭

本朝因之釋名膚施戰國趙邑名秦昭王以名縣在今綏德界隋大
業初始置於延安界因舊名也

安塞 明隸延安府

本朝因之釋名安塞元縣名本宋安塞保縣從堡名也

甘泉 明隸延安府

本朝因之釋名甘泉唐縣名寰宇記云以其泉甘美爲名縣志云有甘泉在縣南五十里天寶初改縣名甘泉因此

安定 明隸延安府

本朝因之釋名安定元縣名本宋安定堡因以名縣

保安 明隸延安府

本朝因之釋名保安元縣名本宋保安軍金以名州元以名縣郭子章云與安塞安定皆取安寧之義

宜川 明隸延安府

本朝因之釋名宜川宋縣名本後魏義川太平興國中改名避太宗匡義諱也

延川 明隸延安府

本朝因之釋名延川隋縣名元和志後魏文安隋改延川以吐延川爲名

延長 明隸延安府

本朝因之釋名延長唐縣名延水經延長入河故以名縣

鳳翔府 明領一州七縣分隸關西道康熙十年裁隸陝西布政

司仍領州一縣七釋名鳳翔唐府名雍勝畧云至德初置鳳翔府取鳳鳴岐山之義

鳳翔 明爲鳳翔府附郭

本朝因之釋名鳳翔唐縣名本雍縣唐改鳳翔義與府同

岐山 明屬鳳翔府

本朝因之釋名岐山隋縣名明一統志云本後周三龍縣隋移治岐

山南遂改為岐山因山名也

寶雞

明隸鳳翔府

本朝因之釋名寶雞唐縣名元和志云乾元初改陳倉為寶雞以昔有陳寶鳴雞之瑞故名之

扶風

明隸鳳翔府

本朝因之釋名扶風唐縣名貞觀初以扶風名縣仍漢右扶風名也
郿 明隸鳳翔府

本朝因之釋名郿周邑名秦以名縣毛萇云文公所營是也

麟遊

明隸鳳翔府

本朝因之

釋名

麟遊隋縣

麟遊

後獲白麟于廢仁壽宮因置縣

汧陽

明隸鳳翔府

本朝因之

釋名

汧陽後

周縣名寰宇記云以縣在汧水之陽而名

隴州 明隸鳳翔府

本朝因之釋名隴州西魏州名元和志魏改秦為隴州因山為名

漢中府 屬陝西布政司府志云明漢中府領州一縣八

本朝因之釋名漢中明府名秦為漢中郡常璩曰郡因水名也明以
名府府志云郡臨漢水之陽南面漢山故名漢中

南鄭 明為漢中府附郭

本朝因之釋名南鄭周已名秦以名縣者舊傳云鄭恒公遺民南奔
漢中故以南為稱府志云桓公都鄭其民徙河南者為新鄭奔
漢中者為南鄭

褒城 明隸漢中府

本朝因之釋名褒城隋縣名郭子章云周褒國漢置褒中縣隋改名
褒城

城固 明隸漢中府

本朝因之釋名城固秦縣名方輿勝覽云始城而冀其鞏固之意也

西鄉 明隸漢中府

本朝因之釋名西鄉晉縣名寰宇志云蜀南鄉晉改西鄉府志云與夔之東鄉對故名

鳳 明隸漢中府

本朝因之釋名鳳明縣名方輿勝覽云鸞鸞嘗鳴於岐翱翔至南而集焉是以西岐曰鳳翔南岐曰鳳州至明降州爲縣因其舊名

寧羗州 明隸漢中府

本朝因之釋名寧羗明州名郭子章云本戰國白馬氏東境成化中設寧羗取輯寧氏羗之義

沔 明隸寧羗州後隸漢中府

本朝因之釋名沔明縣名本漢沔陽以沔水爲名也元自畧陽移沔州來治明降爲縣不易其名

畧陽 明隸寧羗州後隸漢中府

本朝因之釋名畧陽宋縣名府志云用武之地曰畧象山之南曰陽故以爲名按畧陽漢縣也在今鞏昌界後魏僞置畧陽郡縣于此趙宋遂以名縣沿漢舊也

榆林府 明置榆林衛隸陝西都司

本朝改屬榆林道雍正九年改榆林衛爲榆林府隸陝西布政司領縣四釋名榆林府因明榆林衛舊名也本漢榆溪塞水經注所謂諸次水東逕榆林塞是也明因塞置衛遂取名焉

榆林 本明東路雙山堡屬神木道中路常樂保寧歸德魚河四堡屬榆林道

本朝因之雍正九年並五堡置榆林縣爲榆林府治釋名榆林縣本榆林堡地義與府同

懷遠 本明中路懷遠波羅響水威武清平五堡屬榆林道

本朝因之雍正九年併五堡置懷遠縣屬榆林府釋名懷遠本明懷遠堡縣因堡名也

靖邊 本明西路靖邊寧塞鎮羅鎮靖龍州五堡屬靖邊道

本朝裁靖邊道改屬榆林道雍正九年併五堡置靖邊縣屬榆林府釋名靖邊本明靖邊堡蓋取綏靖邊疆之意縣因堡名也

定邊 本明西路定邊鹽場磚井安邊柳樹澗五堡屬靖邊道

本朝裁靖邊道屬榆林道雍正九年併五堡置定邊縣屬榆林府釋名定邊本明定邊堡蓋取底定邊疆之意縣因堡名也

興安州 明領六縣隸陝西布政司徙治趙臺山下

國初復徙舊城即今治也仍領縣六釋名興安明州名續通考云明初爲金州萬曆十年改興安州因徙置錫佳名也

平利 明隸興安州

本朝因之釋名平利唐縣名舊唐書云後周於平利川置吉陽縣武德初改曰平利縣以川名也

洵陽 明隸興安州

本朝因之釋名洵陽戰國楚邑名寰宇記云漢舊縣以在洵水之陽而名

白河 明隸興安州

本朝因之釋名白河明縣名縣志云成化中置白河堡以白石河爲名尋改爲縣

紫陽 明隸興安州

本朝因之釋名紫陽明縣名郭子章云正德壬申立紫陽堡癸酉升縣縣南紫陽灘旁有三洞乃紫陽真人所居縣名本此

一石泉 明隸興安州

本朝因之釋名石泉西魏縣名寰宇記云以縣北石泉爲名或云今有石泉在縣治南

漢陰 明隸興安州

本朝因之釋名漢陰唐縣名本漢安陽至德初改漢陰縣志云舊治漢江南紹興初徙治新店按水南曰陰初治漢南故名漢陰後徙漢北而仍名漢陰者襲舊名而悞也

商州 明隸西安府領四縣

國初因之雍正三年升商州直隸陝西布政司仍以四縣隸州釋名商州後周州名賈志云商本山名在州東南故名按史記殷本

紀契封于商商國名也周秦爲商於地故漢以名縣後周以名

州

鎮安 明隸西安府商州

國初因之雍正三年州改直隸鎮安仍屬州釋名鎮安明縣名本唐安業縣地景泰初重置更名郭子章云縣南門外有鎮安河蓋縣因水名也

雒南 明隸西安府商州

國初因之雍正三年州改直隸洛南仍屬州釋名雒南隋縣名寰宇記云開皇初改拒陽爲雒南以在洛水之南爲名明以光宗諱洛改爲雒南

山陽 明隸西安府商州

國初因之雍正三年州改直隸山陽仍屬州釋名山陽明縣名賈志

云以在山之陽故名縣志云在北山之南豐水之北故名

商南 明隸西安府商州

國初因之雍正三年州改直隸商南仍屬州釋名商南明縣名本後魏南商縣地成化間置縣曰商南郭子章云以縣在商州之南也

同州 明隸西安府領縣五

國初因之雍正三年以同州直隸陝西布政司又以同之白水割隸耀州州領縣四釋名同西魏州名州志云以城南九龍泉九源同流故名按路史云春秋地圖云同州爲邠國則州之名同亦沿國舊名也

朝邑 明隸西安府同州

國初因之雍正三年同州改直隸州朝邑仍屬焉釋名朝邑西魏縣

名本南五泉西魏改朝邑元和志云以北據朝坂故以爲名

郃陽 明隸西安府同州

國初因之雍正三年同州改直隸州郃陽仍屬焉釋名郃陽漢縣名本有莘國詩所謂在洽之陽也春秋晉爲合陽邑漢以名縣水經注云城南有郃水縣取名焉

澄城 明隸西安府同州

國初因之雍正三年同州改直隸州澄城仍屬焉釋名澄城後魏縣名本春秋北徵地漢置徵縣後魏爲徵城縣通典云徵澄音相近故名元和志徵澄同聲後人誤爲澄

韓城 明隸西安府同州

國初因之雍正三年同州改直隸州韓城仍屬焉釋名韓城隋縣名本周韓侯國雍勝畧云隋置韓城縣以古韓城爲名

華州

明隸西安府領縣二

國初因之雍正三年改華州爲直隸州仍領縣二五年改潼關衛爲縣並隸州領縣三釋名華西魏州名南有少華山東連大華故州以取名焉

華陰

明隸西安府華州

國初因之雍正三年縣屬直隸華州釋名華陰漢縣名本禹貢華陰地寰宇記云漢改華陰以在太華之陰故名

蒲城

明隸西安府華州

國初因之雍正三年縣屬直隸華州釋名蒲城西魏縣名本南白水西魏改蒲城寰宇記云以縣東故蒲城爲名也或云以縣東有蒲池即小蒲川

潼關

明設潼關衛隸南京中軍都督府

國初改隸西安府雍正二年裁潼關衛歸併同華等州五年以輸納不便照甘省改衛爲縣之例設縣專理就近屬華州釋名潼關本後漢關名故明以名衛

本朝以名縣因關舊名也

耀州 明隸西安府領同官一縣

國初因之雍正三年升耀州爲直隸州又撥同州之白水來隸領縣二釋名耀州唐末李茂貞州名郭子章云州東十五里有鑑山年豐則山中有光耀如鑑州以是名

同官 明隸西安府耀州

國初因之雍正三年州改直隸縣仍屬之釋名同官後周縣名元和志云符秦於銅官川置銅官護軍後魏改置銅官縣周除金作同縣因川名也

白水 明隸西安府同州

國初因之雍正三年耀州改直隸州以同州白水接壤於耀故撥隸焉釋名白水秦縣名雍大記云秦置白水縣以縣臨白水也元和志後魏置白水縣南臨白水因以爲名

乾州 明隸西安府領二縣

國初因之雍正三年以乾州直隸陝西布政司仍領二縣釋名乾唐州名乾寧二年置乾州雍大記云在長安西北隅故名

武功 明隸西安府乾州

國初因之雍正三年升乾州爲直隸州武功仍屬焉釋名武功秦縣名元和志云縣境有武功山斜谷水亦曰武功水是縣以山水立名也

永壽 明隸西安府乾州

國初因之雍正三年升乾州爲直隸州永壽仍屬焉釋名永壽唐縣名武德二年於永壽原西置永壽縣因原而名

邠州 明邠州隸西安府領三縣

國初因之雍正三年以邠州直隸陝西布政司仍領縣三釋名邠唐州名元和志云豳公劉所居之地後魏置豳州開元中以豳與豳字相涉改爲邠字

三水 明隸西安府邠州

國初因之雍正三年州改直隸三水仍屬焉釋名三水後魏縣名漢有三水縣屬安定郡後魏重置於今邠州界沿漢舊名也元和志云以縣有羅川谷三泉並流故以爲號

淳化 明隸西安府邠州

國初因之雍正三年州改直隸淳化仍屬焉釋名淳化宋縣名縣志

云宋太宗改元淳化立縣之始即以爲名

長武 明隸西安府邠州

國初因之雍正三年州改直隸長武仍屬焉釋名長武明縣名縣志云萬曆初置長武縣取縣西長武故城爲名

鄜州 明隸延安府領三縣

國初因之雍正三年以鄜州直隸陝西布政司仍領縣三釋名鄜後魏州名本秦鄜衍文公於其地作鄜時漢爲縣後魏以名州郭子章云以地有鄜水故名

洛川 明隸延安府鄜州

國初因之雍正三年州升直隸縣仍屬州釋名洛川後秦縣名元和志云姚萇置洛川縣以縣界有洛川水爲名

中部 明隸延安府鄜州

國初因之雍正三年州升直隸縣仍屬州釋名中部後秦縣名漢渠搜中部都尉治此姚興始置縣從中部都尉之舊也

宜君 明隸延安府鄜州

國初因之雍正三年州升直隸縣仍屬州釋名宜君後魏縣名苻秦置宜君護軍太武改縣地形志云縣有宜君水因取名焉

綏德州 明隸延安府領米脂一縣

國初因之雍正三年以綏德州直隸陝西布政司又撥延安府之清澗縣隸州領縣二釋名綏德金州名本後魏綏州宋爲綏德城金升爲州因城舊名也

米脂 明隸延安府綏德州

國初因之雍正三年州改直隸縣仍屬焉釋名米脂金縣名本宋米脂城以地有米脂水沃壤宜粟其米汁淅之如脂故以名城金

升爲縣因宋舊名也

清澗 明隸延安府

國初因之雍正三年升綏德爲直隸州以縣境接壤於州故撥隸焉
釋名清澗金縣名本宋清澗城建康初种世衡因寬州舊壘築
之賜名清澗以縣西有清澗河也大定末始升爲縣

葭州 明隸延安府領三縣

國初因之雍正三年以葭州直隸陝西布政司仍領縣三釋名葭金
州名以州臨葭蘆川也川在州西五里岸多葭蘆故以名州

吳堡 明隸延安府葭州

國初因之雍正三年州改直隸縣仍屬州釋名吳堡金縣名本宋吳
堡寨縣從寨名也

神木 明隸延安府葭州

國初因之雍正三年州改直隸縣仍屬州釋名神木元縣名本宋神木寨也郭子章云縣西十五里楊家城內有神松三株枝柯相連故曰神木

府谷 明隸延安府葭州

國初因之雍正三年州改直隸縣仍隸州釋名府谷五代唐縣名文獻通考云唐末置府谷鎮後唐升府谷爲縣縣從鎮名也

右

本朝陝西錄司一府五直隸州十州縣共七十三自明以縣屬於州州縣又均統於府如西安一府所轄至三十有七屬隸太廣化理難周又潼關榆林守土蒞民職同縣府而名仍衛所亦屬未協至

本朝雍正三年法唐虞肇州之典使凡府州縣統轄適均如西安六

州延安三州俱改直隸以分蒞諸縣又改潼關衛爲縣升榆林
衛爲府分二十堡爲四縣以隸之使一省之中大小相維輕重
同得合成運掌之治至郡縣釋名雖無關大體然蓋厓因乎山
水膚施沿乎國邑鳳翔麟遊本乎祥瑞闡釋其義可以考命名
所由使覽者不惑故並附見云

夏商

昔顓頊創制九州爲雍梁舜分十二州爲雍梁豫夏復爲九州禹貢
曰黑水西河惟雍州東距西河即龍門之河華陽黑水惟梁州孔安
國以爲東距華山之南通典殷因於夏無所變改漢書地理志武丁之地西
不過氐羗北不過朔方漢書賈捐之傳

雍州 舜置十二牧雍其一也通典東嶠西漢南商北居庸四山之所
擁翳故曰雍括地志

鎬 帝辛三十六年西伯使世子發營鎬竹書紀年。按鎬在長安西南三十里以下國邑郡

縣非更置徙治者其方位遠近不重注

亳 湯起於亳史記六國表契封於商後世遷於亳即西亳京兆杜縣有

亳亭鄭樵通志亳在杜南路史。按杜即今咸寧

郢 史記正義周書云惟周王季宅郢郢故城在雍州咸陽東二十

一里周之郢邑也地理通釋。按郢一作程辨見程下

畢 帝辛六年文王初禴於畢竹書紀年畢在咸陽西北地理通釋

雞閭 新平地古顓頊之墟里名曰雞閭晉書苻堅載記。按新平今邠州

麗 妲娒氏立治於中皇山之原繼興於麗長安志云驪山有女娒

治處又臨潼東二十四里有故麗城商酈國路史。按中皇山在平利縣

戲 炎帝後姜姓之國今新豐有戲亭是也路史。按戲亭在臨潼東南三十里

扈 啟與有扈戰於甘之野尚書序趙孟曰夏有觀扈左傳鄆縣本夏扈

國故鄠城在縣北二里元和志

崇輿地志鄠縣古崇國也鄠縣志夏有扈國商為崇國通商之崇扈

今永興鄠北二十里有故城史路

豐既伐于崇作邑于豐詩經大雅文王伐崇作豐邑自岐下徙都史記周本

紀周豐宮文王宮也在鄠縣東三十五里括地志○按即今秦渡鎮

甘在鄠北啟扈戰於此史路

駱縣父之國京兆宜壽縣有駱谷故鰲屋地史路

郝商郝國太昊弟郝骨氏後右扶風鰲屋也路史○按駱郝同地但先後異時

橋姬姓國黃帝子孫守橋山者路史○按橋山在中部北

翟帝乙十七年西伯伐翟竹書紀年○按周時延安以北皆為翟境商末之翟亦應在其地

西河后啟征西河竹書紀年夏世侯伯有西河國后啟征之路史○按禹貢西河

自龍門以下皆是即正義所謂丹同二州也

岐 古有岐伯黃帝至岐見岐伯引載而歸是也史路 亶父自豳遷岐

改國號曰周詩注 太王邑岐山之下文王亦治焉地理通釋

郿 郿故國黃帝後封在岐山之陽所謂周原膺膺者上篇 周文作邑

於豐乃分岐邦地為周公旦采地東謂之周詩注

召 召畿內采地奭始食於召故曰召公史記索隱 文王分岐邦地為召

公奭采地西謂之召詩注

程 孔氏曰周書稱文王在程作程典皇甫謐云文王徙宅於程蓋

謂此也曹氏曰文王既勝密須度鮮原於岐山之陽定程邑而都

焉詩地理考 文王城在隴州吳山廢縣東四十五里明一統志○按諸志俱謂程即郿合

為一處但程在岐陽郿在咸陽東相去絕遠故分編之

陳倉 渭水東逕陳倉縣西應劭曰黃帝都陳在此營氏開山圖曰

伏羲生成紀徙治陳倉非陳國所建也水經 陳黃帝後姬姓國今

寶雞故陳倉有陳山史路

姜 炎帝後姜姓國扶風美陽有姜氏城史路岐水東逕姜氏城南為

姜水帝王世紀曰炎帝神農氏長於姜水水經注

杜 夏世侯伯漢杜陽縣地史路詩自土沮漆齊詩作自杜言公劉避

狄而來居杜與漆沮之地詩地理考杜邑在麟遊縣麟遊縣志

微 微商後今岐之郿縣史路

阮 殷有阮國在岐渭間詩有侵阮徂共之辭通鑑注阮商諸侯國在

岐渭之間氏族畧

莘 莘如姓夏禹後世本啟封支子於莘唐世係表按吳越春秋鯀娶有莘氏女古已有莘國

河水逕郃陽城東故有莘邑為太姒之國詩云在郃之陽又曰纘

女維莘謂此也水經注郃陽南二十里古莘國郡縣志

芮 虞芮質厥成詩經大雅西伯初聽虞芮訟杜預云馮翊臨晉芮鄉在

朝邑西南路史

茶茶郿也殷時舊姓邵陽郿城是路史李氏曰同州郿谷詩地理考

華堯觀於華華封人祝之莊子有虞氏為豫州之域舜分十二州豫

州華山通鑑注○按潼關縣古桃林地後漢郡國志云黃帝置弘農郡潼關縣亦故弘農地

蕃渭水東逕巒都城北故潘邑殷契之所居世本曰契居蕃闕駟

曰蕃鄭西今巒城是矣水經注○按蕃在今華州西

定一定國商後渭水南有定城述征記去潼關三十里路史

彤商彤伯地即彤城歷代紀年表鄭縣西有故彤城華州舊志○按鄭縣即今華州

華原陰康氏治於華原路史○按華原今耀州也

陽武古國有陽武路史史記倉頡居陽武在今白水縣東北十八里

陽武村賈志

彭衙舊志謂衙在商以老彭封得名白水縣志○按彭衙在今白水縣

郃 國名炎帝後姜姓所封帝嚳元妃郃氏女也生棄為后稷復封

於郃

說文

故釐城在武功縣西南二十二里

括地志

后稷封郃夏支庶

受爵曰子國於此

郃縣志

雲陽

雲陽山在馮翊雲陽縣少昊居之

路史○按雲陽在今淳化

甘泉

黃帝接萬靈明廷明廷者甘泉也

史記封禪書

少昊處甘泉

路史○按

甘泉在今淳化

郿

夏郿國在乾之永壽漢之郿縣

路史

豳

禹貢雍州之地周之先公劉所居詩大雅云篤公劉于豳斯館

是也

元和志

古公立薰育侵之乃去豳

史記周本紀

古豳地在水縣西

南三十里有豳城在龐川水西蓋公劉之邑豳谷也

寰宇記

京

依其在京

詩經大雅

京地名鄭箋以京為周地小別名則京是周所

都之邑

詩注疏○按京在今邠州

渠搜 河水自朔方東轉逕渠搜故城北禹貢之所云渠搜矣水經注

成湯北發渠搜通鑑外紀渠搜在廢夏州北禹貢錐指○按渠搜在今懷遠縣東北河套中

朔方 堯舜地不過數千里北朔方朔南暨聲教通典帝乙三年王命

南仲城朔方竹書紀年○按朔方在今靖邊東北

昆夷 夏之衰不窳窳戎狄之間國語豳國西近戎北近狄韋昭注夏桀

之亂大夷入居邠岐之間成湯攘而伐之後漢書西羌傳○按史記地理圖虞夏以來薰

鬻穢後在黃河北昆夷雖居邠岐終非境土故不入圖

梁州 梁州東據華山之南孔氏書傳華山之南今華陰之西南上洛漢

中洋川安康皆是鄭樵通志南鄭縣東南百八十里有梁山大山四圍

其中三十里許甚平或云古梁州治也通鑑注舜置十二州梁州其

一也西方金剛其氣強梁故曰梁通考

褒 褒夏后氏後夏有褒君路史褒國在褒城縣東三里許駱駝坪賈志

西

分命和仲宅西

書經堯典

西國和仲所宅今興元西縣

路史

氏

西戎氏羗咸戴舜之功

史記五帝本紀

自彼氏羗莫敢不來王

詩經商頌

白

馬氏今興武等州地蓋岐隴而南漢川以北皆氏云

路史

鳳沔寧羗地按即

饒

世本曰舜居饒內在漢中西城縣或言嫪墟在西北舜所居也

水經注

饒國有虞氏後今西城有姚墟或謂舜生於此

路史

姚方

漢水東逕錫縣故城北又東歷姚方蓋舜後枝居是處故地

留姚稱也

水經注○按姚方在今白河縣

金

金提國帝堯世有金道華種蘭唐韻云周附庸金州也

路史○按金州

即今興安州

錫

商錫國御姓錫時之先今鄖鄉有錫穴

路史○按即今白河縣

上洛

上洛夏氏侯伯商州上洛郡是也

路史

丹

丹水城在商州城南一里呂氏春秋堯有丹水之戰以服南蠻

疑即丹朱所封者賈志堯使子朱處於丹淵為諸侯丹是其國也漢書

律曆志朱之國今朱虛有丹山丹水出焉路史

商丹水自上洛逕商縣南契始封此魯連子曰在太華之陽皇甫

謐闕駟並以爲上洛郡商縣也水經注商州東八十里商洛縣古之

商國括地志武關西北一百二十里有商城謂故邑也盛弘之荆州記

右夏商二代兼及上古錄州二國邑五十四夫塗山之會萬國

雍梁二州封建殆不止此然歷年既久經史闕如靡究其詳僅

錄其可考者著於篇又如唐之丹虞之饒夏之西商之彭衙間

有謂在他境者然諸說相沿諒非無自疑以傳疑不敢廢也故

並錄之

周

后稷始封邠公劉徙邑於豳太王徙邑於岐山之陽南有周原始改

號曰周王季徙程

按程一作郢

文王徙都於豐成王卜洛邑復還豐鎬世

本曰懿王居犬邱平王徙洛

帝王世紀

自陝以西召公主之

公羊傳

成王地

西不過氐羗北不過朔方

漢書賈捐之傳

高陵以東今馮翊之南境華陰之

東境屬魏雲中五原之境今榆林九原屬趙

通典

雍州

周禮西曰雍州蓋并禹梁州之地周自武王都於豐鎬雍州

為王畿平王東遷以岐鄠之地賜秦襄公為秦地

晉書地理志

職方九

州周之制也無禹貢之梁雖無梁州而雍豫之間是也

周禮注

周之

九州與禹貢不同者周都雍不可不廣故合雍梁為一州

地理通釋

鎬

鎬水上承鎬池於昆明池北周武王之所都也詩云考卜維王

宅是鎬京自漢帝穿昆明池於是地基構淪褫今無可究

水經注

武

王自豐徙都鎬是為宗周今豐水之東長安之南三十里去豐二

十五里鎬池即其故都也

帝王世紀○按元和志謂鎬京在長安西北十八里互異

杜 晉范宣子曰昔句之祖在周為唐杜氏左傳周成王滅唐遷之於

杜為杜伯國

杜預注

杜在長安南十五里為下杜城

鄭樵通志

樊

仲山甫采今京兆杜陵有樊鄉

路史○按在

芷陽

霸城秦穆公之所築又名芷陽

雍錄○按在

咸陽

成王三十四年雨金於咸陽

竹書紀年

秦孝公作咸陽徙都之

史記

秦本記

咸陽在今縣東二十里

明一統志

畢

富辰曰畢文昭也

左傳

畢國在杜郵西北

杜預注

畢在咸陽西北

公高封焉

通典

太邱

渭水東逕槐里縣故城南縣古太邱也周赧王都之

水經注

太

邱邑懿王自鎬徙都

史記索隱

太邱故城在始平縣東南十里懿王所

都

括地志○按懿王徙都太邱或作犬邱誤

驪

戲水東逕驪戎城東春秋晉獻公伐之獲麗姬於是邑麗戎男

國也水經注驪戎故城在臨潼縣東三十五里殷周時麗戎國雍勝

戲秦厲公十六年補戲城史記六國表戲西周地名史記注按戲在

櫟陽秦獻公三年城櫟陽史記秦本紀按櫟陽在今臨潼東北

蕞龐煖入函谷攻秦蕞史記趙世家新豐有蕞城郡國志按蕞在臨潼東北

鄠富辰曰鄠文之昭也左傳成王十九年黜鄠侯竹書紀年豐邑在豐水

西鎬京在豐水東相去二十五里三輔決錄按周有程邑常武之詩云命程伯休父濮氏曰程

畿內邑有豐未詳

崇宣公元年晉欲求成於秦趙穿曰我侵崇秦必救之吾以求成

焉左傳按崇在廊縣北

藍田梁惠王三年秦子向為藍田君孟子向之故邑也水經注

高陵高陵邑秦昭王母弟高陵君封史路

蕩社寧公二年伐蕩社三年與亳戰亳王奔戎遂滅蕩社史記秦本紀

西戎之君曰亳王成湯之後其邑曰蕩社徐廣曰一作湯史記注湯

社亳王所居今訛為楊杜里馬志○按楊杜在三原北三十里

涇陽 侵鎬及方至于涇陽詩經小雅秦昭王弟悝為涇陽君史記秦本紀○按詩

獵狝整居焦獲左傳晉及秦戰于麻隧濟涇及侯麗還國策秦北有甘泉塔口之固皆鄉聚山藪名故不錄

頻陽 秦厲共公初縣頻陽史記秦本紀頻陽故城在富平縣東北五十

五里馬志

上郡 惠文王十年魏納上郡十五縣史記秦本紀綏州春秋白狄所居

戰國屬魏為上郡元和志上郡今麟延丹坊廊銀夏綏德保安之地

地理通釋○按上郡今綏德州

膚施 趙惠文王三年滅中山遷其王於膚施史記趙世家膚施在上郡

路史○按膚施即上郡治史記所謂十五縣之一也

定陽 魏圍定陽國策定水東逕定陽城南水經注○按定陽在今宜川縣

白翟 武王放逐戎夷涇洛之北名曰荒服晉文公攘戎翟居於西

河圖洛之間史記句白翟及秦同州今廊坊綏延皆古白翟地鄭

通志固銀州銀川洛水在磚井堡南梁山下葭州

胸衍 平王末岐梁涇漆之北有胸衍戎史記句鹽州古戎狄居之

即胸衍戎地括地志磚井堡鹽州地延安府志○按

雍 秦德公元年初居雍史記秦本紀禹貢雍州之域春秋及戰國為秦

都德公初居雍即今天興縣也元和志○按天興即今鳳翔縣

岐 成王有岐陽之蒐左傳懿王十二年翟人侵岐竹書紀年岐陽城在岐

山縣東五十里賈志

周 周國在王畿內扶風雍縣通志周城在岐山縣西北十五里賈志○按

左傳注周公

召 召畿內采地史記召穆公虎其後也索隱召穆

公朱地扶風雍縣東南有召亭杜預左氏注

美陽 秦孝公作四十一縣美陽其一也元和志○按美陽在扶風北

武功 秦孝公作四十一縣武功其一也在渭水南今郿縣地是也

元和志

麋 秦孝公作四十一縣麋其一也元和志麋今武功故城是史記注

號 文王母弟號叔所封是曰西號輿地記故號城在陳倉縣東四十

里括地志東遷之際自此之上陽為南號其處者為小號史路

蒯 蒯伯縈國穆天子西征至於蒯蒯伯縈逆天子郭地記陳倉有

蒯城宜在此非沛之蒯路史○按蒯城在今寶雞東

平陽 秦武公有子名白封平陽史記秦本紀○按平陽宜在今寶雞東汧水北

郿 申伯信邁王饒于郿詩經大雅郿在今鳳翔府郿縣詩注今郿縣東十

五里有故城郿縣志

汧 魚龍川東逕汧縣故城北史記秦文公東獵汧渭遂都其地是

也

水經注。按在今隴州南二里

秦 秦城在隴州南三里秦非子所居

馬志。按元和志作二十五里

漢中郡 秦惠文王二年置郡因水名也

漢中志

南鄭 厲共公二十六年城南鄭

史記秦本紀

南鄭縣故褒之附庸也周

顯王之世蜀有褒漢之地至六國楚人兼之懷王弱秦畧取焉

水經

注

禹貢梁州之域周合梁於雍職方屬雍州春秋屬秦楚

雍勝畧

褒 周幽王伐有褒

國語

褒國在褒城東二百步褒姒所出

元和志

成固

秦置漢中郡為成固縣始城而冀其鞏固之意

方輿勝覽

氏羌

鳳州春秋氏羌所居興州戰國時為白馬氏之東境

通典。按鳳州

今鳳縣興州今畧陽

金 唐韻云周附庸金州也

路史。按金州今興安州又寰宇記謂金州周附庸國也唐志亦謂上庸房州

及金州皆是第書注疏謂庸在漢江之南宜在今鄖陽界故不錄

西城 秦惠王置西城縣屬漢中郡興安州志。按即今興安州

洵陽 蘇秦說楚王曰北有洵陽國策。按即今洵陽縣

錫 古麋國地楚潘崇伐麋至於錫穴左傳。按錫今白河縣

上洛 楚司馬起豐析臨上洛左傳。晉烈公二年楚人伐我南鄙至於

上洛竹書紀年 商州周屬豫州雍勝畧。按上洛即今商州

商 商洛縣在商州東本商邑周之商國史記正義春秋時其地屬晉戰

國屬秦通考楚使子西為商公左傳甘茂與昭魚遇於商於史記韓世家 商

高黃帝昆孫以地得姓成王時封爵商州志

菟和 國名紀菟和與陰戎境今上洛有菟和山或云菟氏路史。按在今

商州境

習 丹水自商縣東南歷少習出武關楚司馬使謂陰地之命大夫

曰將通於少習以聽命

水經注

習國名傳有少習

風俗通

武關商州東

百八十里少習之墟今有巡司

商州志

蠻

楚人既克夷虎乃謀北方蠻子赤奔晉陰地左傳今鎮安有蠻王

砦即曼川古蠻子國

賈志

陰地

楚司馬使謂陰地之命大夫

左傳

商阪在商洛縣南一百里即

晉陰地也

郡縣志

陰戎

周襄王時在河南山北者號曰陰戎河南山北自今上洛郡

以東後韓魏并陰戎滅之

通考

臨晉

魏文侯十六年伐秦築臨晉

史記魏世家

臨晉故城在同州馮翊

縣南二里

正義○按馮翊今同州

晉惠公許賂秦伯列城五南及華山

左傳夷

吾請割晉河西八城謂同韓等州

史記正義

鄆

出宿于屠

詩經大雅

說文鄆在馮翊鄆陽亭李氏同州鄆谷鄆今同

州地理
通釋

芮 桓王十八年秦人納芮伯萬於芮左傳朝邑南三十里有南芮鄉

北芮鄉皆古芮伯國括地志

同 同一作郕春秋地圖謂同州為郕國史路

洛陰 魏文侯十七年西攻秦至鄭而還築洛陰史記魏世家雒水也

雒陰城在洛水南正義洛陰在同州西括地志

王城 秦厲公伐大荔取其王城史記秦本紀平王末洛川有大荔戎史記

匈奴傳王城在朝邑縣東一里蓋大荔戎王之城寰宇記按左傳晉師濟湟而還

晉侯于新楚注云新楚宜在今朝邑境

輔氏 秦伐晉次於輔氏晉魏顆敗秦師於輔氏左傳輔氏晉大夫采

路輔氏在朝邑縣西北十三里朝邑縣志

合陽 晉攻秦至鄭而還築合陽史記六國表合向氏邑向戌曰合左師

今同之郃陽史路

羈馬 康公六年秦伐晉取羈馬史記秦本紀 晉邑也服虔注 羈馬在郃陽

縣東北二十里元和志

刳首 晉敗秦師於令狐至於刳首左傳 刳首在郃陽縣東馮志

元里 晉文侯十六年伐秦築元里史記六國表 元里故城在澄城縣南

十五里賈志

王官 王官城在澄城縣西北六十里左傳秦伐晉取王官即此先

言渡河史文倒耳括地志 王官故城在澄城縣西北四十里馬志○按同州

志謂王官在今河東但以地界考之西北六十里尚在縣境

南郊 故城在澄城縣西北七十里又有北郊西郊皆即孟明伐晉

所取括地志

新城 晉伐秦圍新城左傳 新城在澄城縣東北二十里澄城縣新志

祁 晉伐秦圍祁左傳祁秦邑名
廣韻○按祁宜在今同州境

北徵 秦伐晉取北徵左傳徵城縣西南二十五里有北徵城今名避

難堡同州志

杜平 秦孝公與魏惠王會杜平史記秦本紀杜平在同州澄城縣界正義

○按在縣南

梁 夷吾將奔翟奚芮曰不如走梁梁近於秦史記晉世家梁國在馮翊

夏陽史記魏文侯六年城少梁
史記魏世家本梁國為秦所滅師古注同

州韓城縣南二十二里為少梁故城古梁國括地志

韓 溥彼韓城詩經大雅韓武之穆也左傳韓城在今縣南十八里古韓國

也括地志夏陽西南有韓原韓武子采邑博物志同之韓城南十八里

有故韓城韓原也一曰宗邱與臨晉近謂之少梁路史○按韓原即古韓國少梁

即古梁國俱在韓城縣南是韓梁本同一地但先後異名耳

繁龐 魏文侯十二年公子擊圍繁龐秦厲公十六年補龐城史記六國

表龐城在韓城縣東南韓城縣舊志

籍姑 秦靈公十年城籍姑史記六國年表籍姑在同州韓城縣北正義籍姑

在韓城縣北三十五里明一統志

鄭 鄭豫州之域張士佩雍韓考鄭桓公為周司徒采地咸林國語渭水逕鄭

縣故城北桓公友之故邑也水經注古鄭城在華州鄭縣東北二里

郡縣志○按穆天子傳云天子入于南鄭郭璞注今京兆鄭縣也不解鄭縣何以亦名南鄭竟與漢中同名耶

拾 系本桓公居械林一作咸林徙拾皆古地名自封桓公乃名為鄭宋

注華州東有拾村里今俗訛為石華州新志

械林 晉會諸侯伐秦渡涇至械林史記秦本紀○按諸說俱謂械林即桓公采地在今華州

弟觀史記渡涇之文則械林在涇水南似別為一地桓公采地乃咸林也

武城 文公八年秦伐晉取武城史記秦本紀武城一名武平城在鄭縣

東北十五里括地志

陰晉職方氏豫州其鎮華山注在華陰周禮注疏○按華陰周為豫州域魏文侯

三十六年秦侵我陰晉史記魏世家華陰縣在州東南六十里縣東南

五里有古城即六國時陰晉也寰宇記華陰分秦晉之界邊晉之西

則曰陰晉續通典

彤惠王十三年與秦會彤史記魏世家彤周彤伯所封國於王畿之內

其地在京兆鄭縣界胡氏鑑注華州西有故彤城華州舊志

重泉簡公七年塹洛城重泉史記六國年表重泉城在蒲城縣南四十五

里明一統志

條史記晉世家晉穆侯七年伐條杜預曰條晉地今朝邑西南有

懷德故城即條近焉宋敏求長安志

賈桓公九年賈伯伐曲沃左傳蒲城縣有賈城即古賈國寰宇記賈城

在蒲城縣西南十八里

宋敏求長安志

今其地名賈曲

雍勝畧

彭衙

文公二年秦及晉師戰於彭衙

左傳

彭衙故城在白水縣東北

六十里

括地志

汪

晉伐秦取汪城

左傳

同之白水有汪城在臨晉東晉文二年晉伐

秦取汪即此

史路

申

麋亭在武功縣西南三十里周爲申伯封國

賈志○按詩宣王封申伯於謝此或

爲畿內采地

羗

周羗侯國今武功縣界有羗陽故城

史路

邠

爾雅四極西至於邠國

地理通釋○按邠國即今邠州

枸

三輔圖邠邑城在三水治東二十五里周文王第十七子封邠

侯詩稱邠伯是也

三水縣志

邠之三水東北二十五里枸邑原上有邠

城周鼎銘云王命尸臣官此枸邑者班固以爲文昭元和志從之

非也史路

義渠 周襄王時秦晉自瓜州遷允姓之戎於渭汭水口曰汭今新

平彭原間一云汭在新平宜祿縣通考義渠城古義渠王國在宜祿

鎮北方輿勝覽○按宜祿即今長武

雕陰 襄王五年秦敗龍賈於雕陰史記魏世家雕陰故城在洛交縣北

二十里括地志雕陰廢縣在甘泉縣南二十里賈志

渠搜 周之成康北發渠搜漢書武帝本紀○按渠搜在今懷遠縣北河套中

朔方 朔方近獫狁之國也毛氏詩傳什賁故城在朔方縣治北即朔方

縣之故城元和志河水東逕朔方縣故城東北詩所謂城彼朔方也

水經注○按朔方在今靖邊縣北河套中

九原 魏襄王十七年命大夫奴遷於九原竹書紀年趙主父西北畧地

欲從雲中九原直南襲秦史記趙世家○按九原在今懷遠縣北河套中

固陽

魏惠十九年圍長城塞固陽

史記六國表○按固陽在府谷東北河北

榆中

趙武靈王二十年西畧地至榆中

史記趙世家

榆中勝州所治榆

林縣是

括地志○按榆中在今府谷東北河套中他若獮狁犬戎雖時侵據境土終無常所故不錄

右周雍州錄國三十一郡二縣邑六十二夫周宅鎬京五等頒

爵九服畫壤畿內之地建國食采諒必倍於他州逮東遷以後

嬴秦踞其西垂韓魏剖其東偏更有大荔驪戎等盤處乎涇漆

河渭之間文武之遺封遂不可復識矣今從周禮職方左氏內

外傳等書掇拾其餘聊存千百之十一以見西周之制云

秦

非子封爲附庸邑於秦谷襄公賜受却酆之地穆公稱伯以河爲竟

惠公得上郡西河昭王開巴蜀政并六國故秦地於禹貢跨雍梁二

州

漢地理志

項籍滅秦分其地爲三以章邯爲雍王都廢邱司馬欣爲塞

都櫟陽董翳為翟王都高奴謂之三秦元和郡國志

內史 秦京師為內史漢地理志秦改立郡縣而京畿所統特號內史言

其在內以別於諸郡守師古注秦內史兼治漢三輔地三十六郡內

史其一也通鑑注今京兆華陰馮翊扶風汧陽新平及梁州之域上

洛地皆是鄭樵通志孝公十一年并諸小鄉聚集為大縣四十一縣史記

秦本紀

咸陽 渭水東北逕渭城南文穎以為故咸陽秦獻公都櫟陽至孝

公作咸陽而徙都之水經注孝公十二年於渭北城咸陽至始皇並

都之元和志孝公咸陽今渭城是始皇都咸陽今城南大城是關中記

景陵 曹參取咸陽將兵守景陵史記曹相國世家景陵縣名正義在咸陽通鑑

注。按是時司馬欣尚據櫟陽曹參守景陵宜在今咸陽縣東又

史記白起傳云武安君出咸陽西門十里至杜郵馬志云杜郵在

今咸陽東五里按杜郵似鄉聚非縣邑名故附錄於此

建置二

長安 始皇八年弟長安君將兵擊趙史記秦始皇本紀長安本秦舊縣楚

懷王封項羽為長安侯元和志長安本秦鄉名三輔黃圖

杜陵西北有杜縣故城秦武公十一年縣之水經注周杜伯國秦

武公滅為縣雍錄

芷陽 霸水歷白鹿原東霸城之西故芷陽矣水經注霸城秦穆公所

築又名芷陽雍錄霸城在府東二十五里明一統志

樊鄉 樊噲灌廢邱最賜食邑杜之樊鄉史記樊噲傳杜陵有樊鄉索隱

廢邱 孟康曰縣名索隱古太邱邑也秦以為廢邱亦曰舒邱水經注項

王立章邯為雍王都廢邱史記項羽本紀○按史記非子居犬邱徐廣曰今槐里也然觀宣王時莊公伐

西戎破之及其先大駱地犬邱並有之為西垂大夫則犬邱似在西垂非懿王之所都也

槐里 樊噲擊章邯下槐里摧廢邱史記樊噲傳章邯都廢邱居槐里水經

注○按寰宇記興平西二十五里有槐里故城後魏真君徙槐里縣於槐里故城即山疑即秦槐里所在

柳中 樊噲攻趙賁下槐里柳中咸陽史記樊噲傳○按噲攻賁自西而東柳中宜在槐里之東

咸陽之西似亦秦縣邑名

櫟陽 白渠枝渠東逕櫟陽城北史記獻公二年城櫟陽自雍徙居

之水經注項王三分關中王秦降將長史欣為塞王都櫟陽史記項羽本紀

櫟陽故城在櫟陽縣東北二十五里括地志

麗 始皇十六年魏獻地於秦秦置麗邑史記秦始戲水自麗山北皇本紀

逕驪戎城東春秋晉獻公伐之秦之麗邑矣水經注京兆新豐秦之

驪邑漢地理志

蕞 麗煖入函谷攻秦蕞史記趙世家新豐有蕞城郡國志○按蕞城在臨潼東北

戲 二世二年陳涉遣周章西至戲史記秦始蘇林曰戲邑名在新

豐東南三十里今戲亭是也水經注

高陵 高陵邑秦昭王弟高陵君封今屬京兆路高陵本秦舊縣孝

公置

元和志

鄠

扈秦改鄠邑故鄠城在縣北二里

元和志

豐

襄公元年以女弟繆嬴為豐王妻

史記秦本紀

地在豐水西

路史

藍田

獻公六年初縣藍田

史記六國表

藍田縣本秦孝公置

漢書地理志

藍

田故城在縣西三十里

宋敏求長安志

涇陽

涇陽本秦舊縣地昭王弟封涇陽君即此漢涇陽縣在平涼

郡界

通典

池陽

周繆還定三秦賜食邑池陽

史記周繆傳

雍州涇陽縣西北三里

池陽故地

史記正義○按漢池陽係惠帝四年置此尚因秦舊縣

湯社

始皇為湯社屬北地郡

三原縣志

○按史記寧公滅湯社在今三原境或始皇置縣

櫟里

櫟里疾秦昭王之弟也室在昭王廟西渭南陰鄉故俗謂之

櫟里子

史記櫟里子傳

嬴姓國有櫟里今渭南陽鄉

路史

下邳 渭水東逕下邳縣故城南秦伐邳置邳戎於此有上邳故加

下也水經注在渭南五十里渭南縣志

頻陽 頻陽山在富平縣東北七十里秦厲公於山南立頻陽縣今

故城在焉雍錄頻陽故城在富平縣東北五十五里賈志

鄭 渭水東逕鄭故城北武公十一年縣之桓公友之故邑也水經注

古鄭城在鄭縣理北三里元和志

武城 孝公十九年城武城史記六國表在華州鄭縣東十三里正義

彤 六國表商君反死彤地在鄭縣界通鑑注鄭西有故彤城華州舊志

寧秦 渭水逕華陰故城北春秋之陰晉也秦惠王五年改曰寧秦

水經注按呂氏春秋九藪云秦之陽華晉地道記曰潼關是也又胡氏鑑注云晉桃林之塞秦陽華是也即今潼關縣地

重泉 在蒲城南五十里秦簡公置西安府志重泉故城在蒲城縣東南

四十五里括地志

臨晉 本大荔戎國秦獲之更名臨晉元和志在朝邑縣西南二里秦

築壘以臨晉國縣道記

合陽 孝公二十四年秦大荔圍合陽史記六國表

北徵 秦公子鍼桓公之子景公之弟食邑北徵邑志○按即今澄城

杜平 孝公七年與魏王會杜平史記六國表灌嬰下櫟陽賜爵列侯食

杜平鄉史記灌嬰傳杜平在今澄城賈志○按在澄城縣南

懷德 渭水之北沙苑之南即懷德縣故城也世謂之高陽城非矣

水經注懷德故城在朝邑縣西南四十二里寰宇記朝邑西南有懷德

城秦邑也高祖還定三秦賜周勃食邑懷德同州志

夏陽 渭水東南逕夏陽故城北少梁也秦惠王十一年更從今名

矣水經注夏陽故城在韓城縣南二十里芝川鎮北基址猶存曰西

少梁里韓城縣志

衙羸姓國有衙同之白水東北六十里彭衙故城是也穆公子采

史路

白水文公分清水為白水即此通典秦置白水縣以縣臨白水也郡縣

名釋

汪秦邑同之白水有汪城在臨晉東史路

雍秦德公既立卜居雍後子孫飲馬於河遂都雍史記封禪書德公自

汧徙雍三輔黃圖周為召穆公采秦置雍縣郡縣釋名雍故城在雍縣南七

里括地志

號秦武公十一年滅小號史記秦本紀桃號城在寶雞縣東六十里秦

武公滅號為縣謂之小號西號城相去十里賈志

陳倉陳倉縣秦文公所築因山為名有上下二城上城文公築元和

志陳倉城在寶雞東二十里雞爪峰下賈志

美陽 孝公作四十一縣美陽其一也元和志美陽秦縣在扶風縣北

二十五里今為崇正鎮扶風縣志○按長安志謂美陽在武功西七里此乃後魏徙置非秦漢舊縣

郿 郿縣秦文公所營毛萇詩傳郿本秦縣今縣東十五里有故城元和志

杜陽 蘇代說秦王封小令尹以杜陽國策杜水東逕杜陽故城北世

謂之故縣川水經注○按在今麟遊縣

汧 文公居西垂宮東獵至汧渭之會曰昔周邑我先秦嬴於此後

卒為諸侯乃卜居占曰吉即營邑之史記秦本紀世紀襄公徙汧故城

在今隴州南二里詩注疏

秦 秦城在隴州東南二十五里秦非子養馬汧渭之間有功周孝

王命為大夫元和志

平陽 汧水歷慈山東南逕郁夷縣逕平陽縣故城南史記秦寧公

二年徙平陽徐廣曰故郿之平陽亭也水經注平陽在郿縣西北徙

自寧公

鄧縣志○按今鄧縣非汧水所經平陽似不在鄧境九域志號縣有平陽鎮宜在今寶雞界

好時

漢高帝元年章邯迎擊漢兵於陳倉止戰好時史記高帝本紀

在乾州東七里好時縣故城

雍勝畧

壤鄉

曹參圍好時取壤鄉

史記曹相國世家

壤鄉今在雍州武功縣東二

十里高壤坊是

史記正義

高櫟

曹參擊三秦軍壤東及高櫟破之

史記曹相國世家

皆邑名高櫟近

壤鄉

史記正義

麋

樊噲攻雍麋

史記樊噲傳

即后稷所封今武功故城是

史記注

武功

孝公作四十一縣麋武功在渭水南今鄧縣地有武功山斜

谷水亦曰武功水縣以山水立名

元和志

漆

漢王元年周勃北攻漆

史記周勃傳

豳州新平縣古漆

史記正義

枸邑

漢初酈商破周類軍於枸邑

史記周類傳

在豳州

史記索隱○按枸邑即今邠州

三水縣

雲陽

始皇使蒙恬除道道九原抵雲陽又徙五萬家於雲陽

史記秦始皇紀

皇本紀

雲陽城在雲陽縣西北六十里

續通典○按即今淳化縣

鶉觚

秦使蒙恬築城至此以觚奠祭乃有鶉鳥集其上以為靈遂

名其縣

周地記

離長武縣四十里

鶉觚縣碑記○按鶉觚秦屬北地郡

商

秦內史南境今上洛郡

通考

衛鞅既破魏秦封之於商十五邑號

為商君

史記商君傳

商秦相衛鞅邑

漢書地理志○按商在今商州東

華陽

門水東北歷華陽之山即華陽也

通鑑注

秦魏冉同父弟芊戎

封華陽君即此

雒南縣舊志○按在今雒南縣

上郡

始皇使蒙恬築長城居上郡

史記始皇本紀

上郡雍州之域今洛交

中部延安咸寧上郡銀川新秦朔方等郡皆是

鄭樵通志

膚施

奢延水逕膚施縣南秦昭王三年置上郡治

水經注

上郡故城

在綏州上縣東南五十里即膚施縣地括地志膚施縣趙置秦因而

不改今屬延州史記正義

高奴 清水東逕高奴縣項羽封董翳為翟王都之水經注董翳都高

奴即金明縣是也通鑑注即膚施縣金明砦地雍勝畧○按此膚施今延安府治非秦之

膚施也

雕陰 魏襄王二年秦取我雕陰史記六國表高帝初傳寬從定三秦賜

食邑雕陰漢書傳雕陰邑戰國屬魏後屬秦綱目注

鄜 文公十年初為鄜時史記秦本紀縣名於鄜地作時故曰鄜時索隱

陽周 蒙恬繫諸陽周史記蒙恬傳走馬水出長城北陽周縣故城南橋

山二世賜蒙恬死於此水經注○按陽周在今安定縣界

漢中郡 周赧王二年秦攻楚漢中取地六百里置漢中郡史記楚世家

古漢中郡城在今南鄭縣東二里許即秦厲公所築輿地紀勝漢中梁

一州之域今漢中洋川安康郡皆是鄭樵通志

南鄭 厲共公二十六年城南鄭史記秦本紀項王立沛公為漢王王漢

中都南鄭史記項羽本紀

褒 漢高祖為漢王張良送至褒中史記高帝紀即梁州之褒縣也舊曰

褒中師古注在褒城縣南十里打鐘壩村置縣自秦始賈志

成固 秦置漢中郡為成固縣蓋始城而翼其鞏固之意方輿勝覽春秋

為楚地秦為成固縣成固縣志

西城 秦惠王置漢中郡金州即漢中之西城縣也雍大記秦惠王始

置西城縣屬漢中郡今西城山下即故址也興安州志○按興安州南三里有西城廢

縣

洵陽 蘇秦說楚王曰北有洵陽國策酈商攻洵關定漢中史記酈商傳洵

關即漢中洵陽史記注○按即今洵陽縣

故道 故道屬隴西郡典通漢王從故道還襲雍王章邯史記高武都

有故道縣漢書地理志鳳州春秋氏羌之所居秦屬隴西郡通典○按

蜀郡地寧羗秦蜀郡葭萌縣地

九原郡 河水東逕九原縣故城南秦置九原郡治此水經中受降

城本秦九原郡元和志○按九原在今榆林府東北河套中括地志云勝州連各縣本秦九原郡

新秦 秦使蒙恬收河南地因河為塞築四十四縣史記匈奴傳秦逐匈奴

奴收河南地徙民以實之謂新秦水經今夏勝等州秦畧取之史記

正義

榆中 始皇三十六年遷北河榆中三萬家史記始皇本紀北河勝州也榆

中即今勝州榆林縣正義○按榆中在今府谷東北河套中

固陽 秦孝公十一年魏鞅圍固陽降之史記六國表河水東逕柤陽故

城南水經注○按固陽在今府谷東北河北一作柤

北假 蒙恬度河據陽山北假中史記匈奴傳北假在河北禹貢

臨河 河水東逕高闕南又東逕臨河縣故城北水經延水縣本秦

臨河縣地元和志○按水經注河自高闕東逕臨河縣北高闕在今榆林府西北黃河北臨河縣即在其南岸去延水縣

絕遠元和志悞

右秦世都關中錄郡四縣邑七十四夫郡縣之制始於秦而龍門不載其沿革蓋畧之也惟范蔚宗云秦內史武帝改其四縣是漢制即秦之舊規也况廢封建為郡縣後世咸因之則建置亦不可不詳故並著於篇

漢

秦罷侯置守漢郡縣之制無改於秦昭宣之後郡縣亦有增損隋書地理

志

漢以秦地太大更加置郡國鄭樵通志

京兆尹 故秦內史高帝二年更為渭南郡九年罷復為內史武帝

建元六年分爲右內史太初元年更爲京兆尹縣十二漢書地理志。除湖

縣在河南界外增邑國二太初元年以長安以東爲京兆尹長陵以北爲左馮

翊渭城以西屬右扶風以輔京師謂之三輔又三輔共治長安城

中三輔黃圖平帝元始四年分京兆置前輝光後承烈二郡漢書平前

輝光領長安以南諸縣後承烈領長安以北諸縣通鑑司隸校尉

部武帝征和四年置察三輔弘農漢書武帝本紀元帝永始四年諸陵分

屬三輔漢書元帝本紀先是諸陵總屬太常今各因其地界屬三輔師古

按景帝時晁錯爲左內史又武帝紀建元三年詔左右內史是內史之分非自建元六年始也漢書百官表云景帝二年分置左內

史右內史

長安 高帝五年置漢地理志七年自櫟陽徙都長安史記高帝本紀高帝始都

長安實曰西京三輔黃圖渭水逕長安城北漢惠帝元年築六年成即

咸陽也秦離宮無城故城之王莽更曰常安水經長安故城在長

安縣西北二十里漢之舊都括地志

新豐 高帝十年更名酈邑曰新豐漢書高帝本紀池水逕新豐縣故城東

故麗戎地高帝王關中太上皇思東歸故象舊里制茲新邑名為

新豐水經注新豐故城在昭應縣東十八里漢新豐城也元和志元按渭南縣

志云漢以渭南置密時縣隸京兆尹建武中省入新豐舊史失傳

昌陵 鴻嘉元年於新豐戲鄉為昌陵縣以奉初陵永始元年罷關中

記昌陵在霸城東二十里水經注

船司空 地理志曰渭水東至船司空入河服虔曰縣名都官三輔

黃圖有船庫官後改為縣王莽之船利也水經注船司空後省入華

陰鄭樵通志船司空故縣在華陰縣東北十五里通典

藍田 秦孝公置漢因之賈志

華陰 秦寧秦高帝八年更名華陰漢書地理志渭水逕華陰故城北王

莽之華疆也水經注

鄭本秦舊縣漢屬京兆元和志鄭縣故城在鄭縣北二里括地志○

華州

塞塞侯直不疑史記直不疑傳塞國名今桃林塞史記索隱桃林縣以西至潼

關皆桃林塞史記正義○
按塞國後廢

下邳本秦舊縣屬京兆元和志

南陵文帝七年置漢書地理志平帝四年罷南陵為縣漢書平帝本紀南陵故

城在萬年縣東南二十四里括地志○
按萬年今咸寧

奉明宣帝元康元年益奉明園戶為奉明縣漢書宣帝本紀宣帝立奉明

縣以奉悼園在東都門外水經注長安縣北八里奉明故縣是宋敏求

志安

霸陵霸陵故芷陽也文帝起陵邑因更名通鑑霸水東逕霸縣故

城南漢文之霸陵縣也王莽更曰水章

水經注

杜陵

元康元年以杜東原上為初陵更名杜縣為杜陵

漢書宣帝本紀杜

陵王莽之饒安也

水經注

秦杜縣之東有原名東原東原之地為杜

陵縣遂改杜縣為下杜以別之

雍錄

杜陵故城在萬年南十五里

括地

志○按在今咸寧東南

左馮翊

故秦內史高帝二年更名河上郡九年復為內史武帝建

元六年分為左內史太初元年改左馮翊縣二十四

漢書地理志

渭橋

南有石柱柱南京兆立之柱北馮翊立之

水經注

高陵

白渠枝渠東逕高陵縣故城北地理志曰左輔都尉治王莽

之千春也

水經注

櫟陽

白渠枝渠東逕櫟陽城北高帝定關中始都之王莽之師亭

也

水經注

漢櫟陽在臨潼東北七十里

禹貢錐指

翟道

莽曰渙

漢書地理志

中部縣本漢翟道縣地

元和志

翟道城在中部

西北四十里纔有餘址

寰宇記

後漢省

賈志

池陽

涇陽本秦舊縣惠帝改置池陽縣

元和志

今涇陽縣北廣吉陽

鄉有迎東驛本池陽縣城

十道志

夏陽

橫溪水東逕夏陽縣故城北王莽之冀亭也

水經注

衙

莽曰達昌春秋秦晉戰於彭衙

漢地理志

景帝時於彭衙置衙栗邑

屬左內史

同州志

栗邑

沮水東逕栗邑縣故城北莽名栗城也

水經注

白水縣本漢栗

邑地故城在縣西北二十八里

元和志

春秋彭衙漢為栗邑淮南子

蒼頡造書天雨粟即此處

雍勝畧○按秦白水縣漢廢

谷口

文帝後元三年置谷口邑

史記漢興年表

莽曰谷喙

漢書地理志

谷口故

城在醴泉縣東北四十里

括地志

醴泉縣本漢谷口縣地在九峻山

東仲山西當涇水出山處故謂之谷口

元和志

蓮勺

沮水逕蓮勺縣故城北十三州志曰以草受名也

水經注

蓮勺

一在渭南縣北七十里漢初於渭北下邳東二十里置蓮勺城

賈志渭

南縣東北來化鎮有蓮花池即蓮勺故址

渭南縣志

廊

莽曰修令

漢書地理志

廊地名後為縣

索隱

洛川漢廊縣地

通典

頻陽

美原本漢頻陽縣

通典

頻陽故城在富平縣東北五十里

禹貢錐指

臨晉

馮翊漢臨晉縣地故城在朝邑縣西南二里

括地志

景帝時始

置臨晉縣屬左內史新莽更為監晉

同州志○按臨晉秦縣州志悞

重泉

莽曰調泉

漢地理志

蒲城漢重泉地

雍勝畧

郃陽

河水逕郃陽城東又徐水逕劉仲城北是高祖仲兄劉仲之

封邑也故徐廣曰郃陽國名也

水經注

郃陽故城在縣東四十里

賈志

殺棚

沮水東南逕殺棚縣故城西縣漢景帝二年置

水經注

耀有殺

祠廟疑役祠是一兵器其秦禱兵之所乎江鄰幾雜志○按漢立縣本此役祠故

城在耀州東北一里賈志

武城 石橋水逕武平城東地理志云左馮翊有武城縣王莽之桓

城也水經注武城在華州東十三里馮志

沈陽 石橋水逕沈城北漢書地理志左馮翊有沈陽縣王莽更名

制昌蓋藉水以取稱矣水經注沈陽在華州東北十五里舊在渭水

北後漢安帝初移於此明一統志○按長安志郡縣圖沈陽在今三原界

襄德 左馮翊領懷德縣漢書地理志周勃賜食邑懷德史記絳侯傳

徵 莽曰汜愛師古曰今徵城是也左傳云王取北徵謂此地耳漢地

地理志澄城縣西南二十五里有北徵城漢置徵縣同州志

雲陵 昭帝後元二年起雲陵以其地置雲陵邑漢書昭帝本紀平帝元始

四年罷雲陵為縣漢書平帝本紀雲陵故城在淳化縣北三十里明一統志

萬年

高帝置莽曰異赤

漢書地理志

漢高祖葬太上皇於萬年陵仍分

櫟陽置萬年縣理櫟陽城中故櫟陽城亦名萬年城

續通典

長陵

高帝置莽曰長平

漢書地理志

長陵故城在咸陽東北三十里

元和

志

有蕭城在咸陽縣東北四十里長陵北世傳蕭何築以守長陵

蓋即長陵城矣

水經注

陽陵

景帝五年作陽陵邑

漢書景帝本紀

故弋陽景帝更名莽曰渭陽

漢書

地理志

陽陵故城在咸陽東北四十一里

寰宇記○按禹貢錐指高陵西南三十里有陽陵故

城互異

雲陽

漢雲陽故城在雲陽縣西北八十里

括地志

在淳化縣西北五

十里城基猶存

賈志

右扶風

故秦內史高帝二年更為中地郡九年罷復為內史武帝

建元六年分為右內史太初元年更名主爵都尉為右扶風縣二

十一

漢書地理志

渭橋石柱以北屬扶風石柱以南屬京兆

關中記

渭城

故咸陽高帝元年更名新城七年罷屬長安元鼎三年更名

渭城

漢書地理志

渭城在長安西北渭水之陽王莽之京城也

水經注

故

渭城在今咸陽縣東北二十二里

寰宇記○按在東北三十里

槐里

章邯都廢邱居槐里漢祖引水灌城滅章邯三年改曰槐里

王莽更名槐治

水經注

槐里故城在始平縣東南十里

括地志○按長安志云興

平縣北故城是互異

鄠

漢於故鄠城置縣其城周四里頽垣尚在

寰宇記

盩厔

山曲曰盩水曲曰厔故以名縣

圖經

終南城在縣東三十里舊

縣谷郡國記曰即漢盩厔縣城也

賈志

秦

漢扶風郡領秦縣

漢書地理志

古秦城在武功縣南八里前漢徙置

縣西南三十里

賈志

郁夷 渭水逕郁夷縣故城南王莽更曰郁平水經注 郁夷廢縣在隴

州西五十里寰宇記

美陽 雍水南逕美陽縣西水經注 有美陽城在縣西北二十里今爲

崇正鎮扶風縣志

郿 郿城在郿縣北十里渭水北漢置郿縣馮志 渭水東逕郿縣故城

南在今縣東北十五里禹貢錐指

雍 故城在天興縣南七里玉海天興今鳳翔縣

漆 新平本漢漆縣即邠州理是也元和志 漆縣在麟遊縣西一百二

十里隋唐爲普潤縣麟遊縣志○按普潤亦漆縣地

栒邑 縣東北二十五里邠邑原上有栒邑故城即漢理所寰宇記

隃麋 汧水東南逕隃麋縣故城南王莽之扶亭也水經注 隃麋澤在

汧陽縣西八里許漢以此名縣元和志 隃麋故城在汧陽縣東三十

里明一統志

陳倉 渭水東逕陳倉縣南水經注漢陳倉城在今縣東二十里通典漢

陳倉在寶雞縣東十五里前凸後凹中可容數千人寶雞縣志

蒯成 蒯成縣陳倉縣之故鄉聚名周緤所封也輿地志高祖十二年

以緤為蒯成侯史記周緤傳○按蒯成漢志未載今增入在寶雞縣東後廢

杜陽 杜水東逕杜陽故城世謂之故縣川即王莽之通杜水經注麟

遊漢杜陽縣地元和志

汧 汧源縣本漢汧縣地在汧水之北元和志隴州東南三里有汧縣

故城禹貢錐指

好畤 莫水出好畤縣梁山水東有好畤縣故城王莽之好邑也水經

注今乾州東十里有好畤村即漢縣所在或云縣當在永壽境悞

乾州志

號號在鳳翔府南三十五里九域志故城在寶雞縣東六十里明一統志

安陵成國故渠逕惠帝安陵南北有安陵故城地理志惠帝置王

莽之嘉平也水經安陵故城在咸陽東二十一里括地志

茂陵成國渠東逕茂陵縣故城南武帝建元二年置宣帝縣焉王

莽之宣城也水經武帝於槐里之茂鄉置茂陵邑三輔舊事漢茂陵在

興平縣東北十七里元和志黃圖曰去長陵十里宋敏求長安志

平陵成國渠東逕平陵縣故城南地理志昭帝置王莽之廣利也

水經平陵與茂陵相去二里武帝置茂陵昭帝徙治平陵郡國興

平縣東二十里平陵古城是宋敏求長安志

武功渭水東逕武功縣故城北王莽之新光也水經元始五年以

武功為安漢公采地名曰漢光邑漢書平帝本紀武功故城在郿縣東四

十里渭水南寰宇記按以上屬右扶風

商屬弘農郡漢書地理志丹水自上洛又東南逕商縣南水經商洛縣

在商州東九十里寰宇記商洛漢商縣唐書地理志

上雒屬弘農郡漢書地理志漢元鼎四年置居洛水上因以為名通鑑

漢中郡秦置莽曰新成屬益州縣十二漢書地理志按除房武

帝元鼎中雍州之南置益州通鑑

西城漢中郡治西城漢書地理志今金州西北四里西城山東魏興郡

故城是也寰宇記按金州今興安州又州志云高帝定漢中置蕭山縣即今秦郊鎮未幾廢

旬陽洵水東南逕旬陽縣南水經旬陽本漢舊縣寰宇記

南鄭高帝元年立為漢王王漢中都南鄭漢書高帝本紀高祖入秦項羽

封為漢王蕭何曰天漢美名也遂都南鄭水經南鄭故城在府東

二里馮志

褒中昭帝元鳳六年置漢志褒水南逕褒縣故城東褒中縣也本

褒國矣

水經注

褒州在縣南十里打鐘壩村漢曰褒中

賈志

安陽

漢漢中郡領安陽縣

漢書地理志

安陽故城在漢陰縣西二十四

里敖口東十里漢江之北

寰宇記

城固

涿水東北流逕城固南城北城在山上或言韓信始立或言

張良所築未知定所制矣

水經注

城固今縣東六里故北城是以有

南城故謂此為北城

縣道記

按水經注漢水又左得度口水度

西鄉縣洋川高祖置縣後廢

沔陽

沔水南逕沔陽城南蕭何所築其城南臨漢水北帶通達

水經

注

沔陽故城在今沔陽縣東南十里

禹貢錐指

錫

漢水東逕錫縣故城北春秋之錫穴王莽之錫治也

水經注按即今白

河縣以上諸縣屬漢中郡

故道

屬武都郡

漢書地理志按武都屬涼州

故道水逕故道城東

水經注

鳳州在

漢為故道縣地雍勝

沮屬武都郡漢書地理志武興漢武都沮縣也續通沮縣廢基在畧陽

縣東一百二十里沮水河側畧陽縣志○按寧羗州本漢廣漢郡葭萌縣地

陰槃屬安定郡漢書地理志○漢陰槃城在宜祿縣西北二十五

里元和志○按陰槃今長武地

直路屬北地郡漢書地理志○沮水自直路縣東南逕焦石山水經

注直路縣後漢已廢其故城在中部縣西北二百里又姚秦置中

部縣直路故城在焉禹貢錐指

鶉觚屬北地郡漢書地理志宜祿漢鶉觚地通鶉觚舊治長武縣南四

十里枝村原故址尚存長武縣志

上郡秦置高帝元年更為翟國七月復故屬并州縣二十三漢書地理志

志○按除十二縣在西省馬援兄員王莽時為增山連率後漢書

陝西通志卷三建置二

莽改上郡為增山

後漢書注

隋唐綏州延州漢上郡地

通鑑注

膚施

奢延水東逕膚施縣南秦置上郡治高祖并三秦復以為郡

水經注

獨樂

有馬湖峪在今米脂縣北碎金驛康灣之南即故獨樂縣宋

改為永樂

延綏志

陽周

走馬水出長城北陽周縣故城南橋山王莽更名上陵

水經注

陽周故城在安定縣北九十里

安定縣志

淺水

王莽改曰京室

水經注

宜祿本漢淺水縣地

元和志

折塘城在長

武縣北五里即淺水故縣

賈志○按上郡與長武相去絕遠淺水似非長武地

奢延

奢延水出奢延縣西南東北流逕其縣故城南王莽之奢節

也

水經注

奢延故城在廢夏州西南

禹貢錐指○按在今榆林府懷遠縣

雕陰

雕陰廢縣在洛交縣北三十里

括地志

甘泉縣本漢雕陰縣城

在甘泉縣南四十里元和志

龜茲 諸次水出上郡諸次山東逕榆林塞即漢書所謂榆溪舊塞

也綠歷沙陵屈龜茲縣西出故廣長榆也水經注榆林衛本漢上郡

龜茲縣地北至邊牆十里其外皆戰國雲中九原地也禹貢雖指按龜茲

即榆林府榆林縣地

定陽 定水逕定陽縣故城南應劭曰縣在定水之陽也水經注○

宜州縣西北

高奴 清水東逕高奴縣項羽封董翳為翟王高祖破以縣之王莽

之平利矣水經注延州城即漢高奴縣括地志

白土 園水出上郡白土縣園谷東逕其縣南王莽更曰黃土水經注○

按白土縣在今榆林府西北河套中

高望 屬上郡莽曰堅寧漢書地理志○按高望縣在榆林府北河套中

西河郡

武帝元朔二年置莽曰歸新屬并州縣三十六

漢書地理志○按除

二十八縣在山西界兼有未詳所在者

富昌

湍水東逕西河富昌故城南王莽之富成

水經注

富昌故城在

勝州南

延綏舊志○按富昌在榆林府東北河套中

美稷

湍水出西河郡美稷縣東南流入長城東

水經注○按美稷在榆林府東北河

套中又有美稷鄉在山西寧州界乃後漢所徙置非故縣

大城

莽曰好成

漢地理志○按義熙二年柔然獻馬於姚興齊河至大城即此在榆林府北河套中

鴻門

屬西河郡

漢地理志

圍水東逕鴻門縣縣故鴻門亭風俗記曰圍

陰縣西五十里有鴻門亭

水經注○按鴻門在今米脂西

圍陰

屬西河郡

漢地理志

圍水東逕圍陰縣北惠帝五年置王莽改曰

方陰

水經注

縣在圍水之陰因以為名今有銀州銀川即是舊名猶

存但字變耳

師古注

圍陽 屬西河郡漢書地理志 圍水出白土縣圍谷東逕圍陰縣北又東

逕圍陽縣南今米脂縣有圍陰故城圍陽當在東北禹貢

增山 漢西河郡領增山縣有道西出眩雷塞北部都尉治漢地理志

虎猛 屬西河郡西部都尉治漢書地理志 按天鳳元年匈奴至西河虎猛制虜塞下告欲和親即此

在榆林府北河套中

朔方郡 武帝使衛青出雲中以西擊樓煩白羊王於河南遂取河

南地築朔方漢書匈奴傳 漢元朔二年置朔方郡使校尉蘇建築朔方

城水經注 朔方郡屬并州領縣十漢書地理志 除修

三封 河水東北逕三封縣故城東漢武帝元狩二年置十三州志

曰在臨戎縣西一百四十里水經注 按三封在今定邊縣北河套中

朔方 河水南逕馬陰山西又東南逕朔方縣故城東北詩所謂城

彼朔方王莽以為武符者也水經注 什賁故城在夏州朔方縣北即

漢朔方縣故城

元和志

朔方縣漢朔方郡治

禹貢錐指○按朔方在懷遠縣北河套中

臨河

河水東逕高闕南又東逕臨河縣故城北王莽之監河也

水經

注

西受降城在豐州西八十里漢臨河縣故理處

元和志

臨河故城

在今榆林衛西北

禹貢錐指○按臨河在今靖邊縣北河套中

麻渾

河水東逕沃野故城南又北迤西溢於麻渾縣故城東武帝

元朔二年開朔方郡治王莽更郡曰溝搜縣曰極武

水經注

麻渾故

城今在廢夏州西北

禹貢錐指○按麻渾在靖邊縣北河套中

渠搜

河水自朔方東轉逕渠搜縣故城北王莽之溝搜亭也

水經注

渠搜在廢夏州北

禹貢錐指○按渠搜在榆林府西北河套中

沃野

河水東逕臨戎縣故城西又東逕沃野故城南武帝元朔三

年立王莽之綏武也

水經注

沃野故城在天德軍城北六十里

地理通釋

○按沃野在靖邊縣西北河北岸

廣牧 河水東逕臨河縣南又東逕廣牧縣故城北王莽之鹽官也

水經 廢豐州城在榆林衛西北塞外七百里本漢朔方郡之廣牧

注 縣禹貢錐指

臨戎 河水東北逕三封縣故城東又北逕臨戎縣故城西王莽之

推武也水經 唐永豐縣在豐州西一百六十里本漢臨戎縣地元和

志 按臨戎在定邊縣北河套中

呼道 朔方郡領呼道縣漢書地理志 按後魏代名郡有呼道縣在今榆林境當即漢縣舊地

五原郡 元朔二年遣衛青出雲中至高闕收河南地置五原郡漢書

武帝本紀 秦九原郡武帝元朔二年更名莽曰獲降屬并州領縣十六

漢地理志 除勝州榆林縣西有漢五原城通典

九原 河水逕河陰縣故城北又東逕九原縣故城南秦始皇置九

原郡治此武帝元朔二年更名五原王莽之獲降郡城平縣矣水經

九原故城在勝州西界今連谷縣是史記正義○按九原在神木縣北河北岸

五原 九原縣西北接對一城蓋五原縣故城王莽填河亭也其城

南面長河北背連山水經注○按五原在神木北河北岸

臨沃 河水東逕副陽城南又東逕臨沃縣南王莽之振武也水經注

臨沃縣在稠陽西禹貢錐指○按臨沃在府谷北河北岸

宜梁 河水東逕原亭城南又東逕宜梁縣故城南關駟曰五原西

南六十里今世謂之石崖城水經注今在廢豐州東禹貢錐指○按宜梁在榆林府

北河北岸

河陰 河水東逕副陽城南又東逕河陰縣故城北水經注○按河陰在神木縣北

河套中

曼栢 莽曰延栢漢地理志曼栢縣在勝州銀城縣後漢書注○按曼栢在府谷北河套中

成宜 河水東逕曰辟城南又東逕成宜縣故城南王莽更曰艾盧

水經注城在廢豐州界禹貢錐指○按成宜在榆林府北河北岸

稠陽 河水東逕宜梁縣故城南又東逕稠陽縣故城南王莽之固

陰也又北出石門障西北趣光祿城甘露三年呼韓邪單于還詔

送單于居幕南保光祿徐自為所築城也故城得其名矣水經注○按稠

陽在府谷東北河北岸又史記武帝太初元年使公孫敖築塞外受降城甘露三年單于自請願留光祿塞下有急保受降城城近

光祿塞

西安陽 河水東南逕朔方縣故城東北屈南過五原西安陽縣南

水經注莽曰障安漢書地理志城在廢豐州東北禹貢錐指○按西安陽在懷遠縣北河北岸

河目 河水自臨河縣東逕陽山南南屈逕河目縣左水經注河目故

城在北假中河北括地志○按河目在懷遠縣西北河北岸以上屬五原郡

沙南 屬雲中郡漢書地理志河水東過雲中楨陵縣南又東過沙南縣

北水經注楨陵即廢東勝州其故城在衛西北河東岸沙南縣在西

岸榆林塞外唐爲勝州地

禹貢錐指。按沙南在府谷東北河套中。

右漢錄郡八縣邑百一十有五揚子雲謂高祖創業蜀漢發跡

三秦而帝天下故其後用奉春之策仍都關中懲秦孤立雖大
啟爾宇而畿內之地不以封建惟析秦內史爲三郡以弼成都
邑而郡縣之制遂相沿不廢逮建元以後開置朔方五原等郡
關中幅員愈廣其所建置益倍於秦至於新莽竊位十餘年中
妄意改作分三輔爲六尉或至一郡五易其名此類本不足紀
第蘭臺該載之故亦畧附見云

後漢

中興以來郡縣改易凡前志有縣名今所不載者皆世祖所并省也
前無今有者後所置也凡縣名先書者郡所治也又世祖中興官多
役煩乃命并省郡國縣邑至明帝後所省縣漸復分置

郡國志

光武都

洛陽關中復置雍州後罷復置司隸統三輔如舊晉書地理志獻帝初平

元年遷都長安後漢獻帝紀建安十八年省併州郡復禹貢之九州冀州

得西河雲中五原朔方雍州得弘農京兆馮翊扶風上郡隴西武都

益州有漢中後漢書百官志注。按後漢司隸治河南故不錄

京兆尹屬司隸領十城郡國志。外增縣一京兆尹左馮翊右扶風漢初都

長安謂之三輔中興都洛陽以三輔陵廟所在不改其號後漢書百志。

按漢京兆尹領南陵奉明船司空三縣俱後漢廢

長安王莽改常安東漢復為長安馮志渭城縣後漢省入長安咸陽縣志

霸陵後漢京兆尹領霸陵縣郡國志。按通鑑建武二年蔣震據霸陵

杜陵宣帝起杜陵邑後漢為縣屬京兆通鑑注

鄭黃圖下邳縣并鄭郡國志

下邳下邳縣并鄭桓帝西巡復之三輔黃圖董卓遷都長安華歆求出

為下邳令即此

元和志。下邳增入

新豐

靈帝建寧三年改為都鄉封耿段為侯國

水經注

昭應縣東三十

里有故城後漢靈帝末移安定郡陰槃縣寄理於此今謂陰槃

城

寰宇記。按昭應今臨潼

藍田

後漢京兆尹領藍田縣

郡國志。按通鑑建安初延岑據藍田

長陵

故屬馮翊

郡國志

建武十五年改屬京兆

玉海

商

故屬弘農

郡國志

建武十五年改屬京兆

玉海

上雒

侯國故屬馮翊

郡國志

建武十五年改屬京兆

玉海

王遵封上雒

侯即此

雒南縣志

陽陵

故屬馮翊

郡國志

建武十五年改屬京兆

玉海

華陰

屬弘農郡故屬京兆

郡國志

前漢書渭水至船司空入河後漢

省船司空屬華陰

通鑑注

左馮翊 屬司隸領十三城郡國志順帝六年以羌寇充斥徙北地居

左馮翊永建四年還舊治後復徙之通鑑注建安初關中始開詔分

馮翊西數縣為左內史郡治高陵三國魏畧按漢左馮翊領谷口翟道武城櫟陽沈陽懷德鄠

徵雲陵九縣俱後漢省

高陵 光武東都後馮翊出治高陵關中記今高陵縣西南二里即高

陵故城禹貢雖指

池陽 谷口故城在醴泉縣北後漢為池陽通典永初五年徙郡以避

寇難北地徙池陽故城在今涇陽縣地通鑑注

雲陽 後漢左馮翊領雲陽縣郡國志永康元年先零掠雲陽後漢書和帝紀

○按雲陽在今淳化縣西北

役祠 永元九年復郡國志永康元年先零寇關中圍役祠後漢書和帝紀耀

州華原同官縣本漢役祠縣地續通典○按役祠蓋建武中省

頻陽

後漢左馮翊領頻陽縣

郡國志○按頻陽在富平東北五十里

沮水自土門東

逕懷德城南城在北原上

水經

懷德故城在今富平縣西南十里

非漢懷德縣也蓋後漢三國時因漢舊名於此立縣今有廢城

馬貢

錐指

萬年

白渠枝渠東逕櫟陽城北建武二年封景丹為侯國

水經

後

漢省櫟陽入萬年

元和志

漢櫟陽萬年為二縣後漢始省併

通鑑

蓮勺

後漢左馮翊領蓮勺縣

郡國志

重泉

莽曰調泉後漢復舊

宋敏求長安志

漢徵縣光武省徵為重泉地

賈志

臨晉

建安初詔分馮翊以西數縣為左內史郡以東數縣為本郡

治臨晉

魚豢魏畧

漢臨晉在朝邑縣界後漢移置於此取故城為名

案

記○按臨晉在今同州

郃陽

永平二年復

郡國志○按郃陽蓋建武中廢

夏陽 順帝永和五年徙上郡居夏陽後漢書順帝本紀

衙 永初元年徙上郡居衙後漢書安帝時羌亂以上郡寄理於

此因省衙縣還舊理至永和初復徙夏陽

栗邑 永元九年復郡國志沮水東逕栗邑故城北後漢封耿夔為侯

國水經注

右扶風 屬司隸領十五城郡國志增縣一扶風治在夕陰街北光武後出

治槐里三輔黃圖順帝六年徙安定居扶風後漢書順帝紀獻帝中平六年省

扶風都尉置漢安郡鎮雍渝糜杜陽陳倉汧五縣獻帝起居注○按漢右扶風領

渭城整屋隴郁夷號五縣俱後漢省

槐里 渭水東逕槐里縣故城南桓帝封皇甫嵩為侯國水經注

安陵 後漢右扶風領安陵縣郡國志○按安陵王莽改嘉平後漢復故

平陵 後漢右扶風領平陵縣郡國志○按平陵王莽改廣利後漢復故

茂陵 後漢右扶風領茂陵縣郡國志○按茂陵王莽改宣城後漢復故

鄠 建武三年任良據鄠通鑑漢鄠縣屬右扶風東漢因之賈志

郿 渭水東逕郿縣故城南諸葛亮屯郿司馬懿欲據郿拒亮即其

縣也又渭水東逕郿塢南漢董卓發卒築郿塢高與長安城等水經

注董卓塢在郿縣東北六十里元和志

武功 永平八年復郡國志後漢省釐縣自渭南移武功縣於故釐城

因謂之武功城寰宇記釐屋縣光武省入武功武功縣志○按故釐城在今武功南八里

即後漢武功治

陳倉 獻帝中平六年漢安郡領陳倉縣獻帝起居注○按陳倉即今寶雞縣

汧 建武初諸將下隴祭遵軍汧故城在隴州汧源縣西通鑑郁夷

縣在隴州西五十里寰宇記郁夷省併郿地道記○按郁夷與郿相去絕遠後漢末寄理於郿

因併郿耳

隃麋 汧水逕隃麋故城南建武四年封耿况為侯國水經注

雍 安帝初元元年先零寇雍城右扶風雍城縣也通鑑注號縣後漢

並於雍寰宇記

栒邑 後漢末屬新平郡通考○按漢屬右扶風後漢興平初改隸新平

美陽 岐水南逕美陽縣之中亭川永元二年封耿秉為侯國水經注

永初五年詔安定徙美陽後漢書安帝本紀

好時 建武二年封耿弇為好時候食好時美陽二縣後漢書耿弇傳莫水

東有好時故城水經注○按好時郡國志未載今增入

漆 興平元年分安定扶風為新平郡後漢書獻帝本紀邠州漢漆縣後漢

於此置新平郡元和志

杜陽 永和二年復郡國志周原在岐山陽地屬杜陽鄭氏詩譜

漢中郡 屬益州秦置城九郡國志○除房陵等二縣在湖廣界外增縣四建安四年分涼

州四郡置梁州十八年省梁州以其郡國併屬冀州表宏後漢紀蜀置

梁州治漢中今興元地理通釋張魯據漢中建安五年拜魯為漢寧太

守漢中志魏武征張魯復曰漢中郡通考

南鄭南鄭東漢置漢中郡始治此漢中府志

武鄉武鄉谷在漢中府東北三十里蜀漢封諸葛亮為侯國十道志

按郡國志無武鄉今增入後廢

城固蜀以城固為樂城縣華陽國志樂城縣在城固縣西八十里蜀漢

建興七年丞相亮築樂城於城固賈志

龍亭在洋縣龍亭山本漢龍亭縣元初元年蔡倫封龍亭侯即此

賈志龍亭縣在城固東龍亭山禹貢錐指○按龍亭郡國志未載今增入

定遠洋水自巴山東北逕平陽城漢中記曰本西鄉縣治也城即

定遠矣後漢班超封定遠侯即此水經定遠縣屬漢中郡故城在

西鄉縣治南

通鑑注○按定遠縣郡國志未載今補入

南鄉

西鄉即漢城固縣地蜀置南鄉縣

通鑑注

在西鄉縣東南歸仁

山蜀先主分成固地為南鄉縣即今漁渡瀾口

賈志○按南鄉縣郡國志未載今補

入以上三縣皆尋廢

褒中

安帝永初三年先零寇褒中

後漢書安帝紀

褒中縣名漢中褒城縣

後漢書注

褒州故址在褒城南十里漢曰褒中

賈志

沔陽

沔陽舊傳蕭何所築劉備為漢王權住此城今門外盟壇猶

存

梁州記

沔陽故城在舊西縣東南一十六里

賈志

蜀以沔陽為漢城

華陽國志

蜀令蔣濟守漢城

地理通釋○按通釋謂沔陽在西縣西

西城

西城故漢中郡之屬縣也漢末為西城郡

水經注

建安十二年

漢中分西城安陽為西城郡二十四年蜀以申儀為西城太守

魏志○按漢漢中郡有洵陽縣後漢廢

安陽 張魯為漢寧太守袁山松書曰建安十二年分漢中之安陽

置漢寧郡

通鑑注。按安陽在漢陰西二十四里

錫 甲水出秦嶺山東南至錫入沔當在今白河縣界白河漢錫縣

地也

禹貢錐指。按以上諸縣俱屬漢中郡

故道

屬涼州武都郡

郡國志

鳳縣漢為故道地東漢因之

馮志。按金牛故城

在寧羗州西北蜀為漢壽縣地

沮

沮今興州順政縣

後漢書注。按順政即今畧陽

畧陽漢為沮縣地屬武都郡

東漢因之

馮志

鷄觚

故屬北地後漢屬涼州安定郡

郡國志。按漢安定郡領陰槃北地郡領直路俱後漢省

上郡

屬并州領十城

郡國志。按除潦垣橫林侯官三縣未詳所在

王莽以馬買為增山

連帥歸世祖以為上郡太守

水經注

永初五年西羌亂詔上郡徙衙

永建四年歸舊土永和五年復徙上郡居夏陽

後漢書

建安二十二年

年省上郡晉地理志○按漢上郡領獨樂陽周淺水高望俱後漢省

膚施後漢上郡治膚施縣系郡國志○按漢地理志有陽周縣後漢省入膚施高奴二縣

奢延段熲追羗出橋門戰於奢延澤即上郡奢延縣界鑑莽曰奢

節東漢復舊名後兵擾邑廢清淵縣志○按奢延縣在今懷遠縣界

雕陰後漢上郡領雕陰縣系郡國志漢雕陰縣後漢為雕陰城綏德州志

定陽定水逕定陽縣故城南水經注○按定陽在宜川縣界

高奴河水東逕高奴縣東今膚施縣北百里有金明城即漢高奴

縣禹貢安寨縣漢高奴縣地雍勝

白土後漢上郡領白土縣郡國志○按白土在今榆林府西北河套中

龜茲後漢上郡領龜茲縣郡國志龜茲在上郡銀川之間師古注○按龜茲在

今榆林

固陰後漢固陰縣屬西河郡郡國志○按固陰今米脂地又漢西河郡領富昌鴻門增山虎猛四縣俱

後漢省

圖陽

後漢圖陽縣屬西河郡郡國志○按圖陰在今神木地

朔方郡

屬并州武帝置領六城郡國志建武十一年省朔方併并州

二十六年朔方郡民歸於本土永和五年徙朔方居五原建安二

十年省朔方郡

後漢帝紀○按漢朔方郡領臨河窳渾渠搜呼邁四縣俱後漢省

臨戎

河水逕臨戎故城西舊朔方郡治水經注永豐縣本漢臨戎縣

後漢末廢

元和志○按臨戎在定邊縣北河套中

三封

漢三封在今豐州西一百里後漢因之元和志○按三封在定邊縣北河套中

朔方

建武二十六年南單于居西河使右賢王屯朔方後漢南匈奴傳○按

朔方在懷遠縣北河套中

沃野

沃野故城在天德軍城北地理通釋○按沃野建安中省在榆林府西北河北岸

廣牧

九原本漢廣牧縣地元和志○按廣牧在榆林府西建安中僑置於新興郡故縣遂廢

大城

前屬西河郡後漢屬朔方郡

通鑑

永元六年鄧鴻追擊逢侯

於大城塞

後漢書南匈奴傳○按大城在榆林府北河套中

五原郡

屬并州領十城

郡國志○按除父國河除武都三縣未詳所在

建安二十年省五

原郡徙吏人置河東二十六年五原郡民歸於本土

後漢書光武紀

永和

五年徙朔方治五原

後漢書安帝紀○按漢五原郡領河陰河目二縣俱後漢省

九原

建武五年盧芳入居九原略有數郡

漢紀

永初元年烏桓

寇五原戰於九原高渠谷九原縣名屬五原郡

後漢南匈奴傳并注○按九原在今

神木東北河北岸

五原

南單于使骨都侯屯五原

後漢南匈奴傳○按五原在今神木北河北岸

臨沃

臨沃縣在稠陽西

禹貢錐指○按臨沃在今府谷北河北岸

宜梁

在五原西南六十里

水經注○按宜梁在榆林府西北河北岸建安中省

曼柏

永平七年初置度遼將軍屯五原曼柏在今銀城縣後漢明

按錐指曼柏在今府谷北河套中

成宜

成宜城在廢豐州界

禹貢錐指○按成宜在榆林府北河北岸

西安陽

西安陽城在廢豐州東北

禹貢錐指○西安陽在懷遠縣北河北岸以上屬五原郡

沙南

屬并州雲中郡

郡國志

沙南故城在河西岸

禹貢錐指

稠陽

永光元年鄧鴻出稠陽塞稠陽縣屬九原郡故城在今勝州

銀城縣

後漢和帝本紀○按稠陽在今府谷東北河北岸

右後漢錄郡七縣七十九世祖中興承前漢之烈間有省併終

鮮創置故三輔郡縣多仍西京之舊至永和以後上郡朔方沒

於羗戎則疆理日蹙矣蜀漢奮起梁益所得僅西城漢中且諸

葛治蜀不置史官故建置靡詳惟因其可考者附錄於此云

魏晉

魏文帝即位改京兆尹為太守馮翊扶風各除左右仍以三輔屬司

隸又晉惠帝即位改扶風為秦國徙都建興之後雍州沒於劉聰及
劉曜徙都長安改號曰趙石勒克長安復置雍州石氏既敗苻健據
關中又都長安是為前秦乃於雍州置司隸校尉姚萇滅苻氏是為
後秦及姚泓為劉裕所滅其地尋入赫連勃勃號曰南臺晉書地理志愍

帝都關中四年通考

雍州 魏以三輔屬司隸晉於長安置雍州統郡國七晉書地理志晉置

雍州理京兆地理通釋○雍州統郡國七除安定一郡在西省

京兆郡 統縣八晉書地理志漢京兆尹魏改尹為守後改為秦國

後復為京兆國晉為京兆郡通典正始五年復秦國為京兆郡魏書齊王

本紀○按後漢京兆郡領長陵陽陵二縣俱晉省

長安 漢長安魏晉皆因之馮志姚萇改長安曰常安後魏書姚萇傳

渭城 河間王顥頓兵於鄭聞劉沈兵起還鎮渭城通鑑漢渭城石勒

置石安縣符秦復置渭城縣咸陽郡治石安縣即漢渭城石勒更

名是郡

通鑑注○按晉志無渭城今增入

杜陵

宣帝置杜陵晉改杜城

馮志○按杜陵晉志仍作杜陵在咸寧東南十五里

靈武

建興初劉曜逼長安麴鑒自阿城進救追曜至零武

晉書載記咸

陽縣東有靈武鄉

咸陽縣舊志○按載記作零武鑑注仍作靈武晉地理志未載今增入

霸城

霸陵縣漢屬京兆晉改曰霸城

通鑑注○按晉書永康初封趙王倫子為霸城侯即此

藍田

永和九年桓溫伐苻秦至藍田

晉書載記藍田縣漢屬京兆晉因

之馮志

高陸

白渠枝渠東逕高陵縣故城北太康地記謂之高陸

水經高

陵縣漢屬馮翊晉改曰高陸屬京兆

通鑑注

魏黃初元年改為高陸

縣其治在高陵縣西南一里高陸故城是也

通典

萬年

萬年故櫟陽

晉書地理志

太和四年秦王堅敗於萬年萬年漢屬

馮翊晉屬京兆通鑑注

新豐 晉京兆郡領新豐縣晉書地理志河內王粲在新豐麴特等擊粲

於新豐

晉書載記○按新豐即今臨潼縣

渭南

苻堅甘露二年置渭南縣

十六國春秋

渭南縣故城在縣北苻堅

所置

宋敏求長安志

本漢新豐地前秦苻堅割新豐鄭二縣地置渭南縣

屬京兆郡

魏勝畧○按晉志未載今增入

陰般

漢屬安定晉屬京兆郡鴻門戲水皆在縣界

魏書地形志○按陰般在今臨

潼縣東

馮翊郡

統八縣

晉書地理志

漢武帝左馮翊魏除左字但為馮翊郡晉

因之

通典○按漢左馮翊有雲陽縣元和志云魏司馬宣王罷又漢左馮翊領池陽衙二縣俱晉省

臨晉

本漢臨晉武帝改為大荔縣

元和志

建安初分東數縣為左馮

翊治臨晉晉因之

同州志○按元和志謂武帝改大荔但地理志仍標臨晉故從晉志

建置二

下邳

晉馮翊郡領下邳縣

晉書地理志

趙染敗南陽王模於長安長驅

至下邳

晉書載記

重泉

晉馮翊郡領重泉縣

晉書地理志

徵縣後漢省晉復置尋又省寰宇

記

東漢省徵縣魏晉並為重泉地

蒲城縣志○按重泉在今蒲城縣南

頻陽

晉馮翊郡領頻陽縣

晉書地理志○按頻陽在唐美原南三理今富平東北五十里

栗邑

劉曜進軍屯於栗邑

晉書載記

漢安帝時省衙縣晉惠帝再置尋

又省

括地志

衙縣魏併栗邑晉因之

白水縣志○按栗邑即今白水

蓮勺

晉馮翊郡領蓮勺縣

晉書地理志○按蓮勺在渭南縣渭水北下邳東北二十里

郃陽

晉屬馮翊郡後罷

宰莘退食錄

夏陽

東漢夏陽屬馮翊魏晉因之

韓城縣志○按夏陽今韓城

扶風郡

統六縣

晉書地理志○外增四縣

右扶風魏文帝除右字為扶風郡晉

太康八年為秦國

元和志

永安元年移扶風於文學城今謂故縣城

興平縣志○漢扶風郡領安陵平陵茂陵杜陽四縣俱魏晉間省

池陽 秦國治池陽晉書地理志涇陽本秦舊縣後漢及晉為池陽縣通典

涇陽惠帝改池陽縣符秦又置涇陽縣元和志符秦於今縣東南二

十八里置涇陽縣宋敏求長安志符秦置涇陽尋廢涇陽縣志

好時 後漢省通鑑注晉元康中復於好時縣城東南二里再置好時

縣寰宇記○按好時在今乾州東晉志未載今增入

郿 漢屬扶風太康地志屬秦國宋書州郡志姚秦曰郿城郿縣志

雍 晉扶風郡領雍縣晉書地理志永和九年喬秉起雍通鑑漢杜陽縣晉

省寰宇記枸邑縣魏省通鑑注

汧 晉扶風郡領汧縣晉書地理志晉永安初陳安襲汧拔之通鑑○按汧今隴州

隴關 郁夷故城在隴州西五十里太康中於此置隴關縣寰宇記隴

關縣尋廢賈志○按隴關縣晉志未載今增入

隃麋

苻堅太初元年苻雙以上邽叛乘勝至隃麋

十六國春秋。按隃麋即隃麋。

在汧陽縣晉志未載今增入

陳倉

魏明帝遣郝昭營陳倉城諸葛亮圍之不利而還

水經注。

陳倉

城魏太和中郝昭所築今有上下二城下城是昭築

元和志。按陳倉即今寶

雞縣

苑川

晉末陳倉縣廢苻姚時於縣界置苑川縣

周地記。

苻健於三交

城置武都郡

十六國春秋。按苑川在寶雞西四里即三交城晉志未載今增入

美陽

晉扶風郡領美陽縣

晉書地理志。

在今扶風縣北二十里即今法

門寺東城垣尚存

賈志。按以上屬扶風郡。

鶉觚

晉鶉觚屬定郡

晉書地理志。按鶉觚即今長武安定郡屬雍州。

北地郡

統縣二

晉書地理志。

魏文帝分馮翊之祋

後魏書本漢祋

初縣地屬左馮翊曹魏於其地置北地郡

元和志。

泥陽 漢役祠縣魏文帝自彭原縣界富平故城徙北地郡於此其

縣遂廢宋敏求長安志耀州東一里有役祠故城景帝置役祠縣晉泥陽

亦此地耀州志

富平 晉移北地郡富平縣於今縣西南懷德城通典懷德故城在今

富平縣西南十一里寰宇記

始平郡

統縣五

晉書地理志

武帝泰始三年分扶風置始平郡通鑑符

堅徙始平於茂陵故城

興平縣志

槐里 渭水東逕槐里縣故城南世謂之為大槐里晉太康中始平

郡治也

水經注

槐里故城在始平縣東南十里黃初元年於故城置

扶風郡晉太始中徙理郿改此城為始平國

寰宇記

始平

始平縣黃初元年改始平因原以建名

括地志

漢平陵縣魏文

帝改為始平晉武帝改始平國

元和志

茂陵縣晉併入始平縣寰宇記

武功 魏太祖以武都孤遠於是移郡於小槐里三國志武功縣有小

槐里謂之槐里西城寰宇記赫連勃勃以北秦州牧鎮武功晉志武功

漢屬扶風晉太康地志屬始平宋書州郡志

鄠 穆帝時劉珍起鄠鄠漢屬扶風晉屬始平郡通鑑注

蒯城 故陳倉之鄉聚名周繆所封晉咸寧四年分立為縣後廢地輿記

記○按蒯城在今寶雞東

新平郡 屬雍州統縣二晉書地理志後漢置新平郡姚萇之亂廢元和志

晉分扶風置新平郡通鑑注

漆 晉置新平郡治漆縣通鑑注本漢漆縣符秦改為新平縣晉書地理志

按新平縣即今邠州

邠邑 晉邠邑屬新平晉書地理志○按漢梅邑屬右扶風晉書地理志○

華山郡 姚興寇晉湖城晉華山太守董邁降十六國春秋華山郡晉分

弘農之華陰京兆之鄭馮翊之夏陽置通鑑注○晉志無華山郡未詳所屬今增入領縣二

鄭義熙中劉裕攻潼關姚讚自定城退還鄭城晉書載記○按鄭今華州

華陰東漢屬弘農郡晉因之賈志○按後屬華山郡

中部郡漢渠搜中部都尉治此姚秦置中部郡郡縣釋名

中部姚興置中部縣郡縣釋名○按郡縣俱增入

上洛郡屬司州泰始三年分京兆南部置統縣三晉書地理志○按除盧氏一縣

在河南界外增二縣上洛縣故屬京兆晉分為郡地道記曰郡在洛上故以

為名水經注

上洛縣故屬京兆晉分為郡水經注○按上洛即今商州後漢屬京兆晉為上洛郡治

商晉上洛郡領商縣晉書地理志○按商縣後漢屬京兆晉改屬上洛郡

拒陽晉太始三年分上洛地於今縣東北八十里置拒陽屬上洛

郡尋廢寰宇記洛南縣建於洛水南燕子山陽即晉雒南縣志拒陽舊址

豐陽

漢商縣地晉分商縣置豐陽以川為名

舊唐書地理志

符堅皇始二

年置荊州於豐陽建元十六年以荊州鎮襄陽而移洛州居豐陽

十六國春秋

今山陽縣豐陽關

商州志○按豐陽晉志未載今增入以上屬上洛郡

沮

晉沮縣屬武都郡

晉書地理志○按武屬秦州

本漢沮縣地永嘉末為氐人

所據郡縣荒廢

元和志

晉末氐人楊茂搜分王武興今東關即武興

之故址也

漢中府志○按寧羗州晉為晉壽縣地

故道

晉故道屬武都郡

晉書地理志

永嘉後沒氐羗縣名絕矣

元和志○按故道

今鳳縣

梁州

梁州鎮南鄭魏景元四年平蜀所置也晉永嘉元年蜀賊沒

漢中遂治魏興三年還漢中建興元年為氐所沒桓溫平蜀復舊

土

南齊書州郡志

漢益州魏分置梁州晉初因之惠帝以後李特據之至

穆帝時平之其後沒於苻堅後又復其地安帝時譙縱據之後又

收復通典泰始二年分益州置梁州於漢中又江左分梁為秦寄居

梁州晉書地理志

漢中郡統八縣晉書地理志○按後漢末張魯據其地改漢中為

漢寧魏武復曰漢中通典太康中武帝子漢王受封更曰漢國漢中志

南鄭南鄭縣郡治漢中志

褒中義熙初譙縱之亂漢中移治魏興縱滅還治漢中之苞中縣

所謂南城也宋書州郡志盟會圖梁州褒城縣漢之褒中義熙之苞中

也路史○按宋志路史俱以晉改褒中為苞中但晉地理志仍作褒中

沔陽魏置梁州初治沔陽華陽國志

城固蜀以城固為樂城縣晉仍為城固縣華陽國志晉平譙縱後梁州

刺史嘗理於此元和志南城義熙九年索邈為梁州刺史自城固治

此故謂之南城晉書地理志水經注漢水又東逕小城固南州治大城

固移縣北故曰小城固在洋縣東

禹貢雖指

西鄉

西鄉蜀立曰南鄉晉太康二年更名

宋書州郡志

蜀立南鄉晉改

西鄉縣南十五里平陽故城是也

寰宇記

與夔之東鄉對故改名西

鄉

漢中府志

黃金

本漢安陽縣地後魏文帝置因黃金水為名

元和志

黃金縣在

洋縣東四十五里黃金谷內

洋縣志○按在洋縣東北後廢

興道

後主遣王平守興勢即今興道縣晉屬漢中郡

通典

漢水在興

道縣南二百步

寰宇記

興道故址在洋縣東門內晉置興道郡

漢中府志

○按晉置興道縣府志誤以為郡

魏興郡

屬荊州統縣六

晉書地理志

魏文帝以漢中遺民在東垂者立

屬荊州

宋書州郡志

建安二十四年劉備以申儀為西城太守儀據降

魏文帝改魏興郡治西城縣故城

水經注

魏置魏興郡晉因之

通安考

帝後僑置南上洛郡

晉書地理志

西城 黃初二年申儀為魏興太守治西城縣

漢中志

西城故城即金

州西北四里漢江之北西城山東魏興故城是也

寰宇記。按西城今興安州

晉興 晉興縣魏立曰平陽晉太康元年更名

宋書州志

晉興屬魏興

郡後改為永樂置晉昌郡

雍勝畧。按晉興今石泉晉地理志桓溫平蜀立晉昌郡領長樂寧都吉陽等

十縣長樂今石泉寧都今漢陰吉陽今平利餘未詳所在

安康 漢水東歷敖頭魏興安康縣治

水經注

二漢安陽縣屬漢中漢

末省魏復立屬魏興晉武帝太康元年更名

宋書州志

安陽城在漢

陰縣西二十里

賈志。按安康即漢安陽縣

錫 漢水東逕魏興郡之錫縣故城北春秋之錫穴地也故屬漢中

水經注 太康二年魏興郡移理錫縣今豐利縣界東魏興城是也

寰宇

記。按錫縣在今白河東南

洵陽 金州洵陽後漢省晉復置屬魏興郡興地廣記洵陽縣後漢省晉

太康四年復立宋書州郡志

上廉 屬上庸郡晉書地理志○按本漢西城縣地晉於今平利縣

南川置上廉縣取上廉水為名寰宇記上廉城在平利縣東平利縣舊志

上郡 魏武省上郡朔方五原雲中晉書地理志魏省上郡至晉陷戎狄

其後屬赫連勃勃元和志○按上郡屬并州晉地理志未載今探眾說補之又貳城三城即苻姚等所置之縣也

故並錄之

三城 赫連勃勃以朔方牧鎮三城晉書地理志龍昇元年勃勃攻秦三

城以北諸戍十六國春秋膚施縣有三城後魏地理志

臨河 本漢高奴縣地晉立為臨河縣尋廢寰宇記延水縣北十五里

臨河故城是也元和志○按臨河在今延川縣

定陽 苻生壽光二年姚襄屯杏城遣姚蘭扇動定陽羗胡十六國春秋

杏城 赫連勃勃以秦州鎮杏城晉書地理志姚萇置杏城在中部西典通

鄜城 姚襄屯杏城遣姚蘭扇動鄜城十六國春秋胡按鄜城在洛川東南

洛川 本漢鄜縣後秦姚萇於此置洛川縣元和志

長城 三川縣本漢翟道縣地苻堅時於長城原置長城縣屬長城

郡元和志。按長城縣在鄜州西南六十里

貳縣 太元十一年苻纂據杏城貳縣晉書載記義熙五年姚興擊夏王

勃勃至貳城通鑑注貳城當在杏城西北通鑑注。按貳城當在今中部西北

黑城 在臨真縣東二十五里赫連勃勃置寰宇記黑城在甘泉縣東

一百七十里雍勝畧

統萬城 赫連龍昇七年於奢延水之北黑水之南改築大城名曰

統萬城今夏州治也水經注夏州晉為朔方郡晉亂後赫連勃勃建

都於此通典。按夏州在今榆林府懷遠縣界

朔方

姚興以勃勃為安北將軍五原公使鎮朔方

十六國春秋。按朔方在今懷

遠縣北

太城

柔然獻馬於秦濟河至大城勃勃掠取之

十六國春秋

大城縣後

漢屬朔方郡魏晉省

通鑑注。按大城在今榆林府北

五原

孝武太元十年劉顯奔五原

通鑑。按鑑注五原本秦郡魏晉廢

代來城。劉衛辰為西單于屯代來城

十六國春秋。按代來城在榆林府北

右魏晉錄州二郡十一縣暨城七十六其於漢三輔地每多析

置魏氏之初漢中魏興得失靡常上郡朔方棄之荒外晉氏雖

都關中不常厥邑渡江之後遂為劉石苻姚迭據矣其僭置郡

縣後世因之者亦並附見庶得遡所緣起爾

